

經

妙法 聖念 處經  
大迦葉問大寶積正法經

下

忠

C40  
4514  
89



C40-4514

丁公翁大產請大藏及有  
家書置之武州普雲山  
院被焚燒院庭中水  
為童子莫不敬許出院內  
富山二世鐵牛機誼誌



B 64853

妙法聖念處經卷第三

宋西帝印慶伽陀國那爛陀寺三藏傳教大師賜紫洵漢秦詒

爾時佛告諸比丘言若復有人於未來世求生人天  
厭離苦果應當遠離諸業煩惱暴惡淫逸及離妄語  
破壞損惱一切有情修諸善業漸令增長相續恒時  
獲報安樂捨離苦惱爾時世尊卽說偈言

暴惡能遠離 苦澁果非有 輕毀妄語無  
聞名皆歡喜 邪執宿冤賊 伏除令不起  
覺悟煩惱染 恒修諸對治

爾時佛告諸比丘言若復有人值遇違緣於自及他

經

妙法聖念處經卷第三

一

五十六

應當覺悟破壞遠離虛妄計執想諸聖賢修於忍行  
又於財物離貪妄想人及非人世及出世正道非道  
若男若女善惡業果真實虛妄宮殿房室恭敬供養  
乃至一切諸染淨境勿起妄執亦非憎疾真實離妄  
悲愍有情入聖階漸遠離地獄損壞琰魔除滅黑暗  
修習智慧貪念染因猶如火毒悉應捨離業報艱辛  
懺悔發露不應覆藏文字曉了宣說苦因咸應遠離  
佛告比丘若復有人於諸惡友及他眷屬勿生憎嫉  
應起是念我從無始多劫已來輪轉諸趣父母親族  
善友知識轉輪生死往來不定於諸有情應當悲愍

起親愛想貪瞋等惑由此遠離時諸比丘白世尊言  
若復有人虛妄兩舌離間彼此當感何果願佛演說  
我等樂聞利益未來一切有情佛告比丘應知兩舌  
獲報差別畧有十種何等爲十一種族卑賤眷屬乖  
離二遠離善友惡友增多三愚癡暗鈍增長過非四  
毀謗聖賢不信因果五藏護已失樂說他非六虛妄  
轉增忠實行寡七死墮地獄受苦無窮八恣縱貪瞋  
惡名流布九財貨散失恒時憂苦十遠離正法恒生  
邊地比丘應知兩舌之業獲報如是不應執著皆當  
棄捨於是比丘復白佛言若有衆生發麤惡語感於

何果佛告比丘應知語業獲報有十何等爲十一者  
口出刃焰焚燒自身二者邪見熾盛無惡不作三者  
遠離聖賢日增惡友四者衆皆厭棄猶如諸毒五者  
外器險隘高下不等六者煩惱熾盛壞散財物七者  
焚燒衆善非法轉增八者身體臭穢聞皆嫌厭九者  
肢節枯乾恒時病苦十者死墮險趣輪轉生死比丘  
應知麤語業招如斯報汝應遠離爾時世尊乃說頌  
言

衆善應可愛 如父復如母 美善體安然  
能離於喧諍 美善人天喜 美善增勤勇

美善眷屬多 美善三塗離 美善息諸惡  
美善離煩惱 能棄語過非 應修諸衆善

爾時世尊說此偈已告諸比丘如是所發麤惡之語  
悉應遠離伏除不起勿令增長墮於地獄受飢渴苦  
種種痛惱於彼惡趣恒時飢渴如火焚燒常思飲食  
量如芥子終不能得何況多食比丘應知彼諸有情  
由此惡業極苦纏縛飢渴炎火相續逼迫時無暫息  
如是苦果皆由虛妄麤惡語業之所招感比丘應知  
虛妄惡業及諸功德人天勝善皆由心造若癡增上  
輕毀賢善起惡意業遠離平等樂說彼此長短是非

如油欲盡燈光漸暗智慧損減過犯轉增是故比丘  
恒應遠離虛妄惡業勿令侵害於他名利若生嫉妬  
及諸忿等惱亂身心時無暫息比丘應知此等惡因  
焚燒自善於當來世必招苦果輪迴不息應當棄捨  
時諸比丘復白佛言若有衆生於情非情恒起瞋忿  
獲於何報佛告比丘應知瞋忿於當來世得十衰損  
何等爲十一者冤家增盛人皆嫌厭二者生於邊地  
遠離正法三者縈纏諸病貧乏困苦四者死墮豺狼  
巖險暴惡五者或處毒蛇恒時瞋恚六者諸根醜陋  
眷屬乖離七者死墮黑繩受苦相續八者肢體乾焦

衆苦燒然九者增於邪執毀謗聖賢十者恒處三塗  
輪轉不息如是十種皆由瞋恚比丘當知悉應遠離  
爾時比丘復白佛言若有衆生恒修無瞋獲於何報  
佛告比丘得十勝利何等爲十一者善美流布二者  
遠離慢輕三者能伏瞋恚四者三塗捨離五者冤敵  
不侵六者恒生人天七者眷屬圓滿八者諸根無缺  
九者色相具足十者成就解脫比丘應知如是勝利  
汝當修習爾時世尊乃說頌言

衰損由瞋業	沉淪苦海深	諸根多缺陋
逼迫事難任	善因生善道	非法入泥犁

傍生并鬼趣 善惡業恒隨

爾時世尊說此偈已告諸比丘善惡之業損益不同  
互相增減隨業勢力受報非虛時諸比丘復白佛言  
有情慳貪不行惠施自無依託迷暗愚癡不信因果  
毀謗聖賢獲報云何佛告比丘若諸有情慳貪不信  
於諸財物自不受用何況施他應知比丘無智愚人  
遠離善友復造諸非由此因緣墮諸地獄受苦無窮  
彼諸比丘聞是語已憂愁悲惱哽咽號泣復白佛言  
此諸有情復於何時當捨此苦願佛演說利益未來  
爾時世尊告諸比丘乃說頌曰

人間六萬歲 阿部陀晝夜 積彼年及月

初三萬六千 承斯餘壽命 後後二萬增

八寒大地獄 相續苦無盡

爾時世尊說此偈已告諸比丘此大地獄受苦有情  
由身語意輕慢賢善毀謗正法造作非法破壞佛形  
焚燒經典謗真實法言無義味由此業因牽引有情  
墮險惡處種種治罰相續受苦而無窮盡時諸比丘  
復白佛言若復有人於佛正法甚深經典讀誦演說  
令他信受發菩提心獲何勝利爾時佛告諸比丘言  
功德無量微妙最勝此諸有情受持讀誦如是深法

敷演解說依法修行起於正信伏除障染遠離惡趣  
恒處人天安隱快樂一切聖賢護助稱讚於當來世  
獲得最上多聞總持福德智慧憶念不忘宮殿珍寶  
悉皆具足乃至圓寂速得成就恒離老病慳貪嫉妬  
迷惑醉亂毀謗正法虛妄邪執八難艱險及諸非法  
悉能遠離爾時佛告諸比丘言若復有人愚迷邪執  
於諸世間虛妄愛樂廣造諸非於其所作亦無悔恨  
其心增盛諸惡相續不怖險處遠離善友由此業因  
輪轉地獄受苦溢果決定非虛比丘應知諸有智者  
悉皆捨離諸不善業發起正信修習對治比丘當知

田心造罪獲果亦然解脫生死流轉諸趣亦由於心  
能行諂誑又能調伏亦能暴惡能趣三塗得大怖畏  
亦由於心又能捨離修諸善法而能棄背真實安樂  
及能遠離虛妄顛倒種種因緣果報差別若假若實  
獲報決定及不決定有益無益若善非善皆能遠離  
亦能顯於二空之理譬如明燈能破黑暗復能顯現  
諸物像等心亦如是又如善惡因果差別互相隨逐  
恒不捨離輪轉諸趣亦由於心又如染淨隱顯雖殊  
互相增減假實理事亦非即離正見邪執愛非愛業  
出離沉淪理非即離皆由心造比丘應知諸業繫縛

往來生死猶如縑索繫縛有情恒不自在愚迷虛妄  
煩惱纏縛障覆真理令智不起於法非法不能了達  
亦非修習趣證之行二空真理無由顯證比丘當知  
此由無明迷於正理於佛教法會無所悟障礙留難  
自不依修復障他學妄說過非深增厭離由此業因  
毀謗正法諸佛冤賊世世愚昧恒墮黑暗地獄之中  
備受衆苦而無窮盡從彼出已復墮餓鬼愚迷暴惡  
互相殘害恒時受苦飢渴逼迫而無暫息受種種苦  
復從彼出墮畜生中疲乏飢困衆苦纏縛恒無止息  
瞋心增猛互相食噉極惡意樂相續不斷亦如世火

能燒林野此業亦爾能燒衆善損害有情爾時世尊  
乃說頌曰

迷惑諸有情 謗佛毀正法 墮落於三塗

窮劫不能出 恒處地獄苦 黑暗絕光明

餓鬼及傍生 飢虛無窮盡 有情由業縛

智慧煩惱覆 險惡海沉淪 劫壞不能免

爾時世尊說此偈已告諸比丘由前謗法惡業之因  
輪轉三塗受苦無量從彼出已若生人中貧窮困苦  
諸根不具飢渴所逼煩惱增盛其性暴惡猶如象馬  
龍候不調愚迷邪執恒時相應病苦纏縛而無間斷

其心放逸虛妄攀緣時無止息聾盲瘖瘂不值正法  
恒處邊地智慧乏少愚癡邪執受種種苦而無窮盡  
比丘應知謗法之罪獲報無量說不能盡佛告比丘  
若復有人修諸靜慮起求解脫於佛法僧不生毀謗  
恒時尊重稱讚信受猶如父母亦如善友恒時愛護  
尊敬信受不起邪謗令心歡喜時諸比丘復白佛言  
有情云何捨離過非修習勝行願佛演說利益未來  
爾時世尊告諸比丘諦聽諦聽今爲汝說若復有人  
捨離身語諸不善業恒修善業又於三世安住觀察  
伏諸邪慢尊重三寶策勤三業趣證菩提復於三時

遠離諸執及貪瞋等復次比丘由於三業離諸過患  
安住愛樂三聚淨戒趣三菩提及三真如遠離煩惱  
安住思惟令心平等觀察最勝復離慢疑三業清淨  
伏除障染於一切處能離繫縛修習正行憶念苦空  
樂趣解脫微妙甚深遠離諸惡發起方便破壞愚暗  
及諸貪欲是故比丘應修善行棄捨諸非及能遠離  
飢渴寒熱顏容憔悴愚暗破裂憂惱悔恨種種諸苦  
皆悉捨離獲於人天富饒安樂聰慧廣聞恒修捨行  
及諸香燈華鬘瓔珞諸供養具復次比丘若起邪執  
慳貪嫉妬虛妄諂誑墮於餓鬼受諸苦惱逼迫殘害

相續無斷飢渴焚燒業因熟時織毫難免憂苦纏縛  
遠離解脫時諸比丘白世尊言此諸有情云何得脫  
如是衆苦復於何時而得解脫獲於正信我今思惟  
不能了達又此有情於鬼趣中日夜長時恒受飢渴  
寒熱憂苦身首乾枯癡暗迷覆恒無暫捨願佛演說  
利益未來佛告比丘此諸有情於過去世造諸惡業  
不修福慧慳嫉虛誑煩惱熾盛恣縱貪瞋不能伏除  
命終之後墮於地獄受苦無量從彼出已復墮餓鬼  
衆苦逼迫飢渴纏縛於一切處恒時受苦無救無依  
思念飲食終無所得悔恨號哭念我何時當捨此苦

比丘應知愚癡有情煩惱纏縛由惡三業輪轉三塗  
受如斯苦比丘當知若復有人近事男女諸天魔梵  
破彼惡業修習善法愛樂真諦審觀自身四大五蘊  
苦空無常亦如水芭蕉夢電皆悉虛幻是故比丘  
於諸善法修令增長於一切惡對治不起安住人天  
最勝可愛皆得自在身語意業遠離諸非虛妄欺詐  
及諸驚怖決定棄捨愛樂最勝寂靜思惟離諸散亂  
造作衆善初中及後令無間斷降伏諸根捨離繫縛  
及諸惡趣愚癡黑暗不了果因廣作不善輪迴三塗  
備受衆苦爾時世尊而說頌曰

若樂於住處 應觀胎藏苦 遠離顛倒貪

破壞令不起 纏縛於業繩 三途苦無盡

來往似蟻環 沉淪難出離

爾時世尊說此偈已告諸比丘老病死苦纏繞有情  
恒不捨離譬如魚鹿網箭纏縛亦復如是復次比丘  
貪愛如毒瞋忿似火虛妄諂誑迷覆淨心熾然煩惱  
恒相隨逐令不出離若復有人貪求財物廣行虛誑  
養活身命妄執纏縛輪轉諸有如魚吞鈎因貪所起  
如炎中水從愛心生爾時世尊乃說頌言

迷執虛妄見 業緣有幻身 果因恒離倒

離因果非真 輪轉因煩惱 了達證真空

解脫煩惱離 真實理非無 最上妙覺位

二障悉皆亡 湛然恒不動 利樂諸有情

爾時世尊說此偈已告諸比丘若復有人起謗不信  
損壞三寶花卉果實貨易活命以此因緣墮於惡趣  
彼有獯狐及諸鷲鳥其背鋒利猶如金剛形貌醜惡  
燒亂驚怖來集食噉身肉手足眼目骨髓周徧無遺  
受苦無量業繩纏縛隨逐不捨而無依怙亦非救濟  
輪轉如是三惡往來恒不捨離從彼出已復隨餓鬼  
飢渴所逼增長眾苦口吐火炎如山相續而無間斷

設降大雨徧一切處此惡業火終不能滅比丘應知  
若復有人修習施戒乃至智慧而能解脫種種眾苦  
復次比丘惡業爲因招三塗果有情迷執不能伏除  
分別俱生煩惱一百二十八使於三界內欲四諦行  
乃有十二上二合論二十四行約三界說復次比丘  
四諦四智乃有十六及二見道修四念處入正道支  
五根五力解脫暴惡遠離焚燒復次比丘最上二諦  
智應修習及三念住遠離眾魔及諸餓鬼飢渴困苦  
增長白法爾時世尊乃說頌曰

十惡因心造 沉淪路險巖 執貪癡境縛

果感必相隨 極苦泥犁趣 堪嗟無所依

緣熟如影響 壞劫報難移 三業勤精進

多聞習總持 二嚴修六度 圓滿證菩提

爾時世尊說是偈已告諸比丘若復有人修三善業  
施戒多聞捨離暴惡愚迷貪愛解脫眾苦及離不善  
地獄餓鬼比丘應知諸餓鬼界受種種苦寒熱飢渴  
痛惱逼迫不能遠離由此惡業我慢虛詐墮落三塗  
於彼趣中互相殘害貪瞋纏縛恒時不捨由昔遠離  
布施持戒及於多聞造作諸非不能了知法非法等  
及於正信亦皆迷暗而非省悟由此障礙人天善趣

不能修習亦非觀察得失等事時諸比丘復白佛言  
阿素囉趣何業所招爾時佛告諸比丘言應當諦聽  
今爲汝說彼阿素囉由昔虛詐恒時諂曲業及諸惑  
纏縛不捨墮於彼趣亦由不信謗毀賢善於正因果  
不能了悟墮於彼趣而無智慧愚迷妄執怖畏怯懼  
恒非安隱爾時帝釋忉利諸天聞佛所說歡喜踊躍  
卽於佛前以偈頌曰

平坦三乘路 牟尼親所宣 真空無漏理  
本體離諸纏 應物興慈廣 懷悲愍苦深  
光明恒照耀 不捨利他心

爾時帝釋說此偈已合掌恭敬在一面立佛告天帝  
三乘淨法汝應修習離諸繫縛平等清白能離險隘  
絕諸黑暗光明無染猶如珍寶體性清淨諸天歡喜  
愛樂最勝寂靜修習奉持不捨又於戒施及三摩地  
觀察愛樂亦如諸天敬事天主遠離過非尊仰瞻奉  
及諸有情柔輒和美若生天上獲身淨妙遠離貪恚  
悉除塵垢及諸境界貪忿因緣解脫沉溺破壞諸有  
親族朋寮互相憎嫉五欲淤泥悉皆遠離處諸有情  
謙敬和順安住恒時善離諸染威儀有軌抖擻煩惱  
降伏魔羅智慧安住最勝清淨善護三業恒習靜慮

棄捨惡友及非梵行永離繫縛恒處諸天良友知識  
勸發大心速登彼岸

妙法聖念處經卷第三

妙法聖念處經卷第四

審天印度摩伽陀國那爛寺藏傳教大師紫霜漢金譯

爾時世尊四眾圍繞樂聞深法瞻仰踊躍時諸苾芻  
白世尊言若復有人愛樂諸天受勝妙樂不墮三塗  
修何因行獲此勝報願佛演說利益未來爾時世尊  
告諸苾芻若復有人恒修布施持戒靜慮作意堅固  
修習增長遠離繫縛染欲諸纏不起過非令智增明  
廣修眾善命終之後諸天化生自在無礙形相具足  
富樂無比多諸眷屬善友知識互相和順謙敬離慢  
愛樂深法恒值聖賢說法勸導遠離三毒諸不善業

恆樂正法內心寂靜離於睡眠覺悟虛妄趣求勝法  
了達深信猶如衆星處於虛空種種光彩嚴麗殊妙  
若諸天身宮殿樓閣亦復如是衆妙珍寶種種莊嚴  
光明照耀圓滿色相具足無比言不能盡爾時世尊  
乃說頌曰

世及出世間 一切由心造 猶如工畫師

巧善皆成就 沉溺於三有 出離亦由心

如蠶自纏縛 迷執諸境界

爾時世尊說此偈已告諸苾芻一切有情輪轉三有  
迷染境界散亂纏縛於諸正道而非覺悟法及非法

真實虛妄勝慧邪執亦皆不了於阿素囉眷屬妓樂  
衆多圍繞愛樂嬉戲迷亂耽染恣縱淫逸恆不棄捨  
比丘應知觀察於彼勿生迷執應修施戒守護清淨  
能得諸天宮殿五欲父母親友珍寶財物皆悉具足  
及諸庫藏受用無盡衆所愛樂比丘當知有智之人  
能護淨戒能趣善道及能稱讚最勝無比寂靜安樂  
能離沉溺所獲根形勝妙具足光明照耀稱歎無盡  
護戒最勝水火強賊不能侵毀護戒最勝能離卑賤  
趣向圓寂護戒最勝福德增長恭敬尊重護戒最勝  
美名流布聞皆歡喜護戒最勝貪忿遠離煩惱輕微

護戒最勝圓寂速證護戒最勝恒處人天護戒最勝  
成就三昧護戒最勝能息諸障護戒最勝身心安樂  
護戒最勝堅固福德護戒最勝傍生遠離護戒最勝  
裸形棄捨護戒最勝園苑自在護戒最勝眷屬圓滿  
護戒最勝潔淨三業護戒最勝諸天適悅護戒最勝  
所願皆成護戒最勝恒值善友護戒最勝遠離飢饉  
及諸怖畏護戒最勝三災八難皆悉遠離護戒最勝  
譬如利器能斷不善護戒最勝寬廣自在離諸繫縛  
比丘應知護戒清淨獲如是等無量功德佛告比丘  
若復有人護戒清淨諸天化生恒處摩尼宮殿樓閣

園林浴池愛樂遊戲極妙境界觀察無窮自在無礙  
爾時世尊乃說頌曰

六根緣諸境 惑業從此生 沉淪三惡道

相續無間斷 猶如於野火 能滅諸柴薪

根識緣於境 善滅亦如是

爾時世尊說此偈已告諸比丘若復有人毀犯淨戒  
趣求人天安樂勝報終不能得所有宮殿珍寶眷屬  
亦皆離散比丘應知若有智者護戒清淨捨離三塗  
恒處諸天七寶階道遊戲往來自在快樂珍寶無量  
見者歡喜最勝園林歡娛自在身光照耀猶如燈燭

經行宮殿種種殊妙勝報難窮不可稱歎爾時世尊告諸比丘殷勤護戒潔淨澡浴於一切處寬廣無礙天鬘瓔珞恒自莊嚴天諸音樂相續不絕受諸快樂於一切時上妙之境思念卽至園苑種種華果茂盛又於一切若人若天恭敬供養清淨奉事是故比丘守護淨戒悲愍三惡受苦有情濟拔出離若復有人恒行惠施於諸有情困苦飢貧復離殺生廣修衆善獲報天上遠離邪欲恒起正信愛樂圓寂不貪世間所有利名及諸酒色虛幻不實皆悉遠離於諸有情捨離毀犯及業煩惱爾時世尊乃說頌曰

果從業惑有 如樹依根生 惑業互爲緣

相續無窮盡 善惡因心造 如影不離身

蜜毒互相和 衰損亦如是

爾時世尊說此偈已告諸比丘若復有人諸天福盡衰相現前所有眷屬皆悉捨離如燈將滅光明必暗諸天亦爾當於此時福命欲盡衆苦所逼憂惱纏縛恐怖無量身心逼迫起諸煩惱由此非久必當命終隨於宿業墮於三塗或處人中輪轉不息猶如枷鎖繫縛有情沉溺諸有不得解脫迷惑正信遠離寂靜親近惡友及結宿冤比丘應知如是三界輪轉諸趣

皆由惑業不能伏除亦非省悟由此業惑隨逐有情  
焚燒不息猶如柴薪被火焚燒炎猛增盛此三毒火  
能燒衆善亦復如是比丘應知此貪瞋癡猶如大河  
漂溺有情令不出離又此貪等猶如縑索繫縛衆生  
不得解脫又此貪等亦如塵垢染汙有情不得清淨  
是故智者應當除斷若復有人護佛淨戒及行惠施  
捨離諂誑伏除貪癡漸令輕微了達諸法不起執著  
比丘當知若復有人貪等諸惑苦種若現不能伏除  
而不出離三有諸苦譬如渴人飲於鹽水渴無由免  
比丘應知觀察無上解脫快樂趣向圓寂修習靜慮

滅除諸染勿著繫縛墮落泥犁恒受衆苦違背正道  
天阿素囉悉皆捨離諸龍瞋怒非時風雨四時不順  
穀米不熟人民飢饉所有快樂皆悉遠離可愛宮殿  
及諸園林極妙境界壞滅非有庫藏財物皆悉隳散  
互相殘害迷妄顛倒而非省悟最上利益曾無修習  
三乘法毀謗非有迷於三界妄執真實以爲究竟  
日月星辰亦皆妄計乃至一切有情所有罪福妄撥  
非有甘露正法不能了達恒生憎嫉猶如冤毒厭棄  
捨離比丘應知愚迷有情於諸世間苦中執樂不淨  
計淨歸依邪道妄執最上極惡之處愛樂修習於無

常等不能了達妄計邪法以爲最上愛樂決定精勤  
修習義利非有不免輪迴苦澁恒時智者觀察不應  
迷執了達虛妄顯現是非悟省醉迷令心不亂時諸  
大衆圍遶世尊聞法歡喜娛樂慶快繫縛捨離瞻仰  
如來目不暫捨爾時比丘乃說頌曰

譬如蘇彌盧 莊嚴四寶成 七金周圍遶

八海湛然清 世尊相無比 理智離言詮

萬行因修滿 三身果德圓 人天瞻仰望

願說宿因緣

時諸比丘偈讚佛已白世尊言欲色諸天形量福德

差別有殊願佛演說利益未來爾時世尊告諸比丘  
善哉善哉應當諦聽吾爲汝說若復有人奉持淨戒  
善護諸根令無毀犯三業清淨於諸有情悲愍饒益  
勤修方便捨離散亂趣求靜慮於所修因勝劣不等  
有上中下果感亦殊乃至外器宮殿莊嚴高下狀貌  
隨宿因緣皆悉有異佛告比丘由護淨戒及行惠施  
恒處諸天捨離諸垢所有纏縛伏除不起於彼諸天  
內身外器愛樂趣求不生毀謗破壞厭離命終之後  
決定生彼獲報勝劣隨因有異比丘應知護佛淨戒  
諸天宮殿恒自快樂護佛淨戒捨離諸苦解脫無染

護佛淨戒天鬘瓔珞恒自莊嚴護佛淨戒烏鉢羅華  
妙香遍意護佛淨戒極妙境界悅暢無盡護佛淨戒  
龍天八部恒時助祐護佛淨戒衆寶莊嚴離諸垢故  
護佛淨戒種種天華色妙開敷隨心自在護佛淨戒  
微妙香風悅意無盡護佛淨戒房室園林慶快隨意  
護佛淨戒獲於種種摩魯迦華瞻波迦華計多迦華  
出妙香氣最上無比恒現在前護佛淨戒遠離諸橫  
護佛淨戒善種增長護佛淨戒犯戒之緣皆悉遠離  
護佛淨戒圓滿忍行護佛淨戒妙寶階道成就現前  
護佛淨戒工巧種種及可愛具悉得成就比丘應知

護佛淨戒於當來世獲果如是猶如畫師世及出世  
種種形像皆能成就護戒亦爾於當來世所有一切  
隨意成就若復有人毀犯淨戒於當來世沉淪惡道  
受種種苦捨離人天可愛之境亦如彩畫風雨煙塵  
而能破壞貪瞋等垢能壞淨戒亦能捨離世及出世  
可愛之果復次比丘貪等諸惑能壞有情所有善業  
亦能增長諸不善業如世之火猛炎增長能壞柴薪  
比丘應知有情根識攀緣六塵迷惑不了虛妄執著  
境界纏縛起於貪瞋諸業隨生輪轉諸有受苦無量  
不能遠離貪欲諸毒愚迷不了貪火盛猛損壞衆善

及諸可愛宮殿林池衆妙果實悉皆散壞攤娑囉迦  
勝妙福報珍寶無量庫藏盈滿娛樂自在父母眷屬  
福德最上世所希有快樂無礙比丘應知若復有人  
修習檀度於當來世財物具足離諸損壞檀度最勝  
快樂自在檀行最勝福報隨形如影不捨檀行最勝  
人天可愛莊嚴歡喜檀行最勝能離貧乏檀行最勝  
慳恪不起檀行最勝能伏愚癡出離三塗檀行最勝  
見者歡喜檀行最勝諸根無缺檀行最勝傍生樂見  
檀行最勝遠離愛憎檀行最勝邊地不生檀行最勝  
諸天快樂檀行最勝離苦纏縛檀行最勝超越輪廻

檀行最勝娛樂自在檀行最勝能趣三乘究竟解脫  
復次比丘應當觀察輪廻諸苦衆多逼迫應當厭離  
審諦觀察彼非究竟無常敗壞如夢如炎芭蕉非實  
乃至色界及無色界所有境界虛幻不實而非究竟  
應當厭離不應封著妄爲最勝令心愛樂佛告比丘  
圓寂安樂遠離諸相體非一異亦非三世彼此俱非  
離諸繫縛究竟圓滿汝當趣求勿應棄捨自在無礙  
寂靜無染應當速證

妙法聖念處經卷第四

音釋



於彼生愛樂 心自住安樂

爾時天主帝釋而復白言汝等具大福德獲生天界  
受天快樂隨其福果勝劣各異若種種作福熏識身  
中後生天界得種種快樂如是一切林木華果悅適  
人意入彼林中彼天飛鳥演說言音令人樂聞為彼  
天子即說伽陀曰

善來汝賢敏 宿習於上善 堅持七律儀  
成就最勝果 生彼天界中 受天快樂報  
廣持於禁戒 得離沉淪苦 由戒清淨故  
感天勝妙池 隨意而洗浴 復雨紫金華

散布於身上 及彼功德池 以彼戒種子  
念念為防非 天中上妙樂 隨意而受用  
若人意決定 守護於禁戒 生彼天界時  
快樂無邊際 以此戒莊嚴 得趣善逝果  
而受解脫樂 破戒罪惡深 如刀及火毒  
是故堅持戒 而修施法財 遠離於毀禁  
業有上中下 感果亦復然 今成勝報身  
常戴光明鬘 受天種種樂 皎潔身無垢  
若人造惡業 苦果自纏身 展轉受沉淪  
生死無窮盡 汝既來生此 受天眾娛樂

出遊諸園苑 勿著於放逸 逸蕩過失深  
如來常說此 是故放逸者 三毒中最上  
精進如甘露 心頂自清涼 永超生死輪  
究竟菩提岸 彼時我如來 演說微妙言  
離我速修行 莫著顛倒想 若有違背者  
貪等諸惑生 斷彼解脫緣 漂沉諸苦海  
爾時天主帝釋速疾往彼善法堂中諸天妓女及一  
切天衆皆來善法堂中到已娛樂種種遊戲于時天  
帝觀察娛樂而知天衆虛妄耽著增長煩惱卽說伽  
陀曰

虛妄境界中 貪愛而無足 有情迷執深  
增長諸煩惱 被境縛根識 如毒藏在食  
於後若消時 迷悶無安樂 無前後中間  
非今世後世 因緣會遇時 業報誰能避  
爾時天主帝釋說此伽陀已而復告言假使少年強  
力未必長生四相推遷速歸散滅顯現快樂無實自  
性樂受盡時逼迫身心無暫安隱汝等勿得信任癡  
迷愚惑諂誑若於一切境界染著不足後致大患譬  
如熾火焚燒草葉貪著境界增諸過失亦復如是被  
煩惱火燒煮身心棄背正道衰相現時墮落天界是

故我今教化汝等割截煩惱去除迷惑一切天衆自  
此恒作利益於最上行法志固修習後得寂靜最上  
安樂汝今勿得慢易速作良田於當來世而得最上  
報應適意無盡若作惡業種種隨身墜墮天宮沉淪  
惡趣一切宮殿樓閣悉皆隱沒爾時天主帝釋見其  
天子須臾命終墮於惡趣而說伽他曰

微妙香蓮華

種種生峯頂

最上適意寶

處處作莊嚴

流泉與浴池

雜色華果樹

及紫金劫樹

靈鳥羣集上

常出微妙音

悅樂諸天衆

無垢瑠璃寶

間雜金色光

最上妙樓臺

莊嚴恒適意

羣生不遠離

寧知是幻化

如泡如水沫

如電如浮雲

亦如尋香城

須臾卽散滅

虛妄若生貪

墜墮輪迴路

癡愛毒如火

焚燒於善根

減損於天衆

去一切菩提

又復告言若天愚癡愛人誑惑爲天阿素洛羅刹等  
之所降伏後墮地獄復爲龍蛇遠離諸天長處三界  
如繩繫縛而不自在若離癡愛明了通達利益有情  
歸依佛道永出世間斷有愛支得一切智平等無礙  
得三解脫證悟苦空到真實際遠離輪迴不受後有

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

經

妙法蓮華經疏

四

七

色香味觸而不染著時彼天帝見多天眾念念無常  
增諸過失深生悲愍發誠實言而說伽他曰

如是天道終 沉淪百千劫 猶如旋火輪

生死何窮盡 見他受無常 不觀於自己

後自命終時 違害亦如是 若捨垢穢心

不著於境界 生死莫能侵 常住真寂樂

戒行若違犯 如醉飲藥毒 非天魔死軍

纏縛誰救濟 微塵空面上 自心何知見

命謝卧林間 誰悟從貪愛 若生於貪愛

同住苦無常 永處於生死 現離於安樂

大惡不斷除 輪廻從此得 譬如暴惡風

能吹山頂葉 自業得生天 娛樂果自受

潔戒不愚迷 安樂自充足 貪愚招墜墮

如火而起煙 後自墮泥犁 業報亦如是

爾時有天名烏波鞞踰宿善業力生切利天彼有苾

芻為其天王而說伽他曰

若作種種業 處處妄攀緣 以心迷惑力

一切業成就 前心最勝故 後心相續生

無間引生彼 三界因無盡 一切業報身

離心不可得 是故降伏心 當獲無盡果

經

妙法蓮華經疏

五

忠

汝速勤修進	調伏離執迷	滿善得隨心
究竟獲安樂	心若恒調伏	永不增諸過
智者善伏心	諸苦不能害	若心得彼苦
苦苦後相續	一切境界中	而得輕心報
天人阿素洛	龍鬼羅刹等	不離於一心
心爲三有主	三有自心生	地獄與人天
隨心生罪福	流浪任漂沉	壞善因迷境
愚癡貪愛生	住苦廣無邊	沉溺而難出
難調心力大	奔馳速若風	天眼勿緣形
識相皆如是	智者善調伏	遠離魔羅縛

超度生死河	速到於彼岸	疑惑不正直
無底惡難止	一多微細行	不住刹那中
行相密難窮	無身一切處	世間誰牽引
往者復是誰	藏伏甚法中	造作於身業
雖見行表差	莫覩相應法	云何調伏難
無色無形相	陋惡損衆生	取境明如眼
善惡作雖見	譬如幻化士	本性狀難窮
往復誰能覩	牽引於羣生	諸趣恒流轉
利劍不能截	猛火燒非斷	一切有情心
業力相如是	業繩而堅固	纏縛於羣生

三性而不恒 須臾善非善 亦復捨受俱  
 攀附六根門 妄求於塵境 染著世間故  
 不悟生滅法 如鏡唯照前 而不鑒於後  
 爾時天子聞彼苾芻說如是事昔作純善今獲勝身  
 而說伽他曰

昔修靜妙心 慎護於戒行 以此微妙因  
 得住安樂道 善護持戒者 防非發律儀  
 當得斷諸惑 證圓寂滅樂 戒有大威德  
 能超諸有苦 乃至命謝時 無彼惡道畏  
 惡道無能救 戒力救最上 若有持戒者

萬善皆依怙 後果得生天 永離諸險難

佛法聖眾師 三界咸尊重  
 爾時諸天子等五體投地歸命作禮生尊重心彼時  
 天主帝釋倍生忻慶歎美至深而說伽他曰

解脫貪瞋毒 羣生親道友 能到於彼岸  
 我今歸命禮 降伏愚癡失 無為無比等  
 一切眾所尊 我今歸命禮

時彼天中有諸飛鳥或在空中翱翔上下或集寶池  
 嬉戲水內有諸天子樂逸縱蕩與諸飛禽同共遊行  
 耽樂欲樂不怖惡道爾時苾芻為彼天子宣說伽他

曰

傍生貪欲樂	遊戲恣愚迷	天衆亦復然
等彼飛禽類	正教師宣說	汝等心顛倒
不怖於罪業	耽樂著世間	若天有罪業
墜墮於地獄	業力如是毒	智者常遠離
薄德少慧人	但觀前欲樂	不復返思惟
成就諸苦果	若有智慧人	照觀一切惡
求斷諸惡業	利益於羣生	罪業生諸苦
勝因得離縛	善惡行不同	報相亦復爾
迷苦妄爲樂	求安不可逢	具智勿爲非

不久至寂滅	善修諸業靜	巧便集善根
三昧自現前	速到無生位	勿復戀傍生
遊嬉於園苑	懈怠轉增多	後墮飛禽類
若復無少智	善惡業不分	餓鬼阿素羅
地獄亦如是	於業能分別	於報亦通達
彼於諸業中	深窮垢靜相	晝夜常精進
思惟三脫門	永不墮泥犁	究竟獲安樂
天子汝當知	自樂自善成	自感生自苦
苦樂不離心	於過應遠離	染著諸塵境
縱逸癡所盲	不覺死王催	沉淪於地獄

苦惱而無極

爾時彼天有百千天女色相端嚴隨意自在於彼林間歌唱遊戲彼有飛禽知天宿善而說伽他曰

勤修宿善業 今復得生天 若行非善因

而復沉惡趣 業報既決定 諸天皆平等

安樂非安樂 汝等今當知 愛染爲害本

業繩隨繫縛 輪轉而不窮 還因業繩力

上至非想處 下及於三塗 往返疾如風

生數復如雨 諸趣而循環 無始長如此

若人心寂靜 如水湛然清 離礙如虛空

而獲最上樂 五識緣塵境 三惡業相牽

一法捨盡時 不得生天界 殺盜姪妄毒

常爲惡道友 燒煮如炎火 智者應觀察

眞實忍辱慈 出世善良友 親近若修習

當得三天果 制伏邪亂意 慎護觸等貪

後有定生天 成就白業果 若於生死業

而不求解脫 琰魔殺鬼來 云何得遠離

爾時天主帝釋而復白言若有衆生不怖諸惡於一

切處心所染著以染著故隱沒智慧妄言綺語虛誑

邪諂惱亂有情棄背正教親近邪師不孝父母乃至

善根間斷業繩繫縛如箭速疾死入地獄種種治罰  
受諸極苦無有休息汝等從今於生死罪緣速須棄  
捨莫復貪著於自身命分限短長審諦觀察有爲諸  
行剎那生滅何得久住如水浮漚如鏡影像如電剎  
那如雲散滅若天福盡樂受捨位一切衰相不覺現  
前逼迫身心如何當忍是故我今宣示言爾汝今當  
須勤行精進忍辱柔和慈愍有情守護六根修行四  
諦不取怨親而修平等智慧增長深入義味背妄照  
真導引禪定業惑盡時後有不得俱解脫爾時天  
主帝釋欲重宣此義復說伽他曰

如是十二處	六境及六根	識等生滅時
相應成妄想	智者善修心	不住色等法
而入寂靜門	湛然無一相	勤求寂靜故
不墮魔羅界	以此靜妙心	恒時而憶念
若行如是慧	惑苦云何生	於其三世中
自在無驚怖	煩惱縛自解	罪垢不可染
慧眼得圓明	常住真寂行	天身大快樂
尚被罪垢摧	云何人愚迷	廣造十惡業
若人修智慧	了達罪福因	怖業若死侵
永出苦根本		

爾時帝釋昔聞世尊所說惡趣之事卽爲天衆宣說  
佛言若人得脫生死罪根常值善友植諸善本若生  
天界受妙快樂宮殿莊嚴報應無量若不怖惡道貪  
著娛樂福業盡時必當墮落譬如燈燭須假膏油膏  
油旣盡燈炎卽滅如是墮已而被業風急速吹轉往  
返世間輪廻不止若諸智者正定相應無明業繩不  
能牽動譬如藕絲牽妙高山而不能動爾時彼天聞  
於天帝說是法已卽說伽他讚天帝曰

汝今說此法 息除一切障 我依天帝語  
安住無怖畏 與彼諸羣生 而作慈悲父

宣示涅槃城 令彼得利樂 法本無分別

天帝善能宣 今遇正教師 得至無上道

爾時天帝又復白言世間財物勿生貪著若人捨離  
智慧出生若復愛著破壞善根七種聖財漸漸隱沒  
經百千生沉淪惡道又復世財而不堅久水火盜賊  
王等勢力皆可侵奪若彼法財水火等災終不能壞  
汝諸天衆雖有勢力諸根具足身帶光明衰相現時  
生其愁惱墮下虛空過百千踰繕那入其惡趣爾時  
帝釋卽說伽他曰

如汝大快樂 富貴不可量 衰相若現前

決定沉惡趣	如現所作業	隨業果復生
業相善殊勝	異熟果亦然	業有上中下
善惡品類同	成彼有報時	勝劣亦如是
汝等審思惟	色力身最上	生滅未能逃
云何而不墮	譬如麥等種	而被大火燒
隨燒卽破壞	云何芽得生	浮虛假僞身
四相遷流速	如燈而生焰	不住剎那中
心相亦復爾	虛幻無真實	恒被漏隨增
云何得安樂	棄捨於妄境	勿自愛其身
決定脫輪迴	速至於彼岸	

爾時彼天有其飛鳥而復說言我等今者居烏鉢羅林於其林間有大浴池多生紅蓮長時芬馥鳥身翅翼諸色間雜狀如七寶眼有光明言音妙好於彼林中長時戲樂觀察天子貪著迷醉卽說伽他曰

我恒耽喜樂	天人愛亦然	天雖與禽別
愛染而無二	不能守行法	云何得解脫
天等若如是	飛禽何所別	今復告汝等
勿著五欲樂	而修勝法行	當得大解脫
生老病死苦	永不害其身	天與禽類身
平等獲善利		

爾時天帝又復白言若有智者離垢清淨世間罪染  
普徧此天亦不能著何以故爲彼智者於生苦因緣  
而能解了又於彼天朋友知識恩愛眷屬無所戀著  
汝等諸天癡愚貪染不離輪廻與彼飛禽等無有異  
復有衆生耽著飲酒得罪甚多所以者何爲彼有情  
心識迷亂破犯恒多酒力雖消業報不滅於五趣中  
輪廻不絕於一切罪中最高增上乃至於俱胝劫流  
浪不絕沉淪惡趣煩惱纏縛佛所宣說爾時彼天帝  
釋園中有妙法堂種種珍寶殊妙莊嚴時諸天衆詣  
彼堂中彼時帝釋觀察天衆而說伽他曰

我等諸天衆	過去修微善	獲生天界中
若天報應盡	定墮於輪廻	業力難思議
牽引於衆生	三界五趣中	處處而出生
汝等勤精進	審諦細思惟	生滅須臾間
云何不省覺	怖畏邪險路	而依衆律儀
堅固七覺支	勤行八聖道	善住於五根
增長於五力	四念與正勤	及彼四神足
如是而不退	必至涅槃城	恒受寂滅樂

妙法聖念處經卷第五

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

經

法華經卷第三

一

八七

此處有極大的墨迹塗抹，遮蔽了部分經文。可見的經文包括：云向不許... 密稱... 主... 而... 善... 正... 主... 出... 主... 天... 善... 天... 天...

妙法聖念處經卷第六

宋吳印慶伽陀那爛陀寺藏教大師賜慈門法奉詔譯

於罪不怖畏	彼人無智慧	後至命終時
苦惱恒燒然	周徧天界中	墮落誰能見
彼恒貪姪樂	於此莫能知	姪欲生虛誑
迷惑於有情	牽引落三塗	如繩而繫縛
生滅恒如是	有情須自利	調柔身口意
煩惱勿令生	法境等須息	一切著姪者
增癡墮無常	不覺欲火燒	遠離於親眷
朋友善知識	骨肉并眷屬	大苦死來時

經

妙法聖念處經卷第六

一

七

波吒何能說 初至無常位 如山忽倒摧  
須臾不可停 剎那而滅謝 若處一切智  
無罪無輪廻 究竟出苦源 諸天恒愛樂  
欲海深無底 何能有足期 增長愛貪心  
如酥油灑火 種種莊嚴貌 破壞出世因  
法轉四趣中 人傍地獄鬼 生死恒無間  
往復如陶輪 羣品大愚癡 不了煩惱性  
若彼諸有情 永離於貪愛 當獲最上因  
解脫無繫絆 智者除煩惱 諸苦病不侵  
降伏於貪瞋 長獲安樂道 生苦不能染

縞索不能縛 智慧漸圓明 照知一切事  
若於圓寂理 而起無相心 離垢絕囂塵  
究竟到彼岸 於彼苦樂境 洞然無所得  
而入大解脫 常住空寂舍 復起慈悲心  
愍念有情故 示苦智真如 遠離於縞索  
念意斷疑慮 永除於貪愛 解脫苦惱怖  
獲得最上慧 悟彼集散空 設壽八萬劫  
亦復墮無常 此可恒安住 天界永無失  
見惡而生慢 於罪不思惟 愚迷無方便  
恒求於快樂 喻如砂聚中 求油終不得

若作罪業行	恒常而逼迫	苦樹罪根深
一切惡生長	我說此真如	定為法非法
彼意恥作罪	後復無煩惱	利益廣無邊
獲至真如際		

若復愚迷於佛言教而不信受後至無常自得苦惱  
 經無數百千俱胝那由他阿没那等破壞人天無常  
 罪火決定焚燒此不盡劫瞿曇告言天復云何而得  
 久住喻如水沫芭蕉無有纖毫真實幻化非久若恒  
 愛此快樂無有是處爾時彼佛問彼天眾知此義不  
 天意歡喜如聞五樂多獲快樂得五功德而復說言

彼有飛禽名曰嬉戲能善說法為彼天眾即說伽他  
 曰

有欲愛不足	無因人意足	發起不足心
如是無知死	一切眾生界	形類有多般
長遠時分中	不能修方便	永不受安樂
決定墮輪廻	恒處於地獄	生生亦如是

若實宣說帝釋境界富貴殊勝異於諸天於此輪廻  
 亦不能免決定無常乃普徧天上未有微妙之處可  
 避無常而皆墮落是時天帝善解法相名憍尸迦為  
 彼天父種種精進說多因行而諸天眾猶不省悟誰

能樂修靜行遠離罪垢唯縱愚迷心著放逸於斯教  
誨而不受持久遠無邊云何不覺彼諸愚人樂作惡  
因於彼後身而被罪惡種種破壞寧知惡業隨眠纏  
縛爾時必芻而說頌曰

若行善利 以共卧具 飲食衣等 供給供養  
尊卑之衆 不徇自身 而求福利 或觀自身  
誰作主宰 乃遇惡境 作罪冤家 固來欺陵  
而起真實 離相忍辱 智者審觀 都無病痛  
苦惱之難 唯有現在 不淨之物 作如是身  
而復此身 刹那不住 盛壯亦然 破壞何身

衆生迷醉 於自財物 不作利益 增長罪業  
不受教命 亦不行施 於一切處 心不受用  
賊等窺壞 云何護持 若心迴向 布施師等  
彼財殊妙 而復未捨 如棄草木 心不愛著  
貧劣有情 恒行忒度 離垢無著 今世後世  
獲七衆戒 救度最上 戒護於人 當生天上  
智慧廣大 彼能截斷 一切煩惱 病等枷鎖  
過大險惡 輪迴之橋 到彼堅牢 涅槃彼岸  
心靜離垢 得無生忍 喻如擔負 其物輕少  
遠出長途 而不疲乏 若人擔負 惡業輕少

經 如法華經卷第六 三 七

經 以去聖念經卷第六 四 中

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

卷

如法聖心以爲教

七

復有飛禽各現	真如住彼	白山而能	觀察即說	頌曰
喻我形色	不住刹那	快樂亦然	愚迷不覺	
若一切類	善相多般	輪迴生時	定隨破壞	
彼福破壞	一生亦然	死王得便	罪意何免	
恒行快樂	無財黑繩	摧壞有情	無病強力	
安樂遠離	死王近來	近則心迷	羣生命壞	
罪破長時	天人輪迴	不覺根迷	遠離安樂	

墮閻羅界	方知業果	快樂刹那	而身衰朽
悅諸塵境	不覺貪著	快樂受盡	老死王侵
諸根對境	戀著不足	彼後無常	自生煩惱
若無慧燈	照見塵境	受行境界	執我分別
樂著虛妄	欲火恒生	境力如風	吹欲火盛
智覺真如	思惟成妄	一切愚迷	嬉戲不覺
恒行境界	吹於欲火	天人行欲	墮彼天界
彼具天德	實得天樂	衰相現前	不壞何往
刹那不住	念念生滅	暫住非久	彼命如是
此境屬他	一心不覺	五德天樂	壞苦速離

經

法華經卷之

五

忠

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

法苑珠林

卷之八

七

帝釋天王

抖擻煩惱

三障垢靜

歸依三寶

三業廓然

悟得最上

三佛菩提

雖生罪地

罪垢不染

留心作善

彼有琰魔獄卒為彼衆生而說頌曰

意懷貪欲

嫌棄善緣

不離輪迴

得此苦果

不依天行

而作罪因

彼後無常

反恨作惡

利刀割體

猛火燒身

猶未為傷

五根得罪

苦不可忍

眼觀美色

如實得樂

寧知恒苦

聞聲耽味

其過亦然

作罪冤家

是故捨離

彼三冤家

纏縛罪人

破人安樂

貪癡和合

遠離戒品

因墮地獄

若行戒律

後得福善

若違戒律

後得煩惱

飲酒殺命

離他婦女

邪見兩舌

不守威儀

縱情放逸

破壞有情

因沉惡道

貪著邪行

而復惡口

今世後世

無彼安樂

遠離惡人

親近善友

滅此罪根

不信此業

無得業果

無眾安樂

惡果根本

煩惱後燒

若作妄語

本非法師

我解深法

彼後無常

得魔業果

轉此人身

而生惡趣

是故如來

說此無明

一切貪欲

何得快樂

知足無貪

身離煩惱

欲生快樂

是名快樂

一經

法苑珠林

六

忠

解脫相應	得最上樂	若貪快樂	如毒和水
解脫快樂	如乳和水	欲火燒害	愚盲不覺
又復貪愛	度量財利	酤賣酒肉	得財無數
心猶未足	無常殺鬼	速來牽引	若耽欲樂
樂住境界	得不快樂	如來說此	夢覺法喻
如乾闥城	如空無實	如水上沫	如芭蕉堅
如彼火毒	欲境亦然	若味因果	知欲過罪
不迷真如	成就智慧	獲靜思惟	去其貪愛
苦惱不生	壞欲亦然	欲爲罪主	如世毒藥
彼意不足	墮落天界	復墮地獄	欲賺愚迷

喻彼懸河	亦如電閃	世間毒力	莫勝女色
思想欲增	如火熾盛	是故智者	離欲寂靜
無前無後	亦無中間	如如而行	增長亦爾
彼得欲苦	等觸大炎	知如是過	智者遠離
速離欲故	定得安樂	無數百千	那由他天
以欲行故	墮火毒獄	器仗治罰	其毒如火
遠離快樂	不行欲因	如上地獄	不見不聞
若貪欲人	斷其欲貪	亦無苦惱	是故無垢
得意清淨	於一切處	滅欲火炎	入彼種種
最上善業	彼行無染		

爾時帝釋觀察飛禽住莊嚴樹色喻檀金彼法因果  
正見善業而說頌曰

正見善業	如彼大樹	鬱茂金色	種種莊嚴
智者所說	如善果報	處處出生	不善若善
得彼人身	復行善業	得生天上	不善亦然
下沉地獄	欲迷善意	而復不得	最上良藥
若知果報	意不愛欲	衆生境界	迷醉味著
若恒行貪	惡定同生	女生煩惱	如世間火
若此火生	煩惱如是	女人煩惱	生衆生心
破壞世間	一切法滅	爲地獄因	大仙所說

女人姦媚	口甜心毒	情愛不恒	愛戀須臾
棄背亦爾	彼性浮囂	可喻掣電	誑詔有情
詐行恩愛	天人龍鬼	羅刹眷屬	境界亦爾
女人鄙惡	譬彼黑毒	種姓不擇	勢力不顧
愛恚不恒	性如風火	唯慕財物	殊無終始
如有險難	嫌棄遠離	如是富人	彼卽愛樂
若住貧賤	急急離別	譬如遊蜂	花卉芬芳
競來採食	若樹乾朽	一切遠離	無財亦然
女人遠離	女人黑暗	心縱顛狂	破壞勝因
罔知良善	如女人縛	天縛亦爾	若值女縛

定墮地獄 若貪女色 貪中第一 若有中生

雖曉欲業 而猶耽著 是故無知 迷人不覺

又復女人 詐吐心誠 惑他信已 身雖同處

心則差殊 損壞有情 毒如蛇蝎 方便多求

一切養育 女人行德 而不能為 如是自性

殊無測度 智者不著 心恒決定

初利天宮有善法堂爾時諸天會善法堂有如是散

亂者飛禽為彼而說頌曰 譬如飛禽 隨其自性 樂厭不同 而有二種

一見蓮華 而復樂著 若見林野 而自厭離

一見林野 意欲樂住 如見蓮華 却思遠離

衆生亦爾 林如靜善 華喻欲貪 智者樂林

而深適意 天人顛倒 反慕蓮華 如出暖日

能去大寒 解脫之樂 亦復如是 貪中生苦

樂謝何安 智者不迷 而求解脫 於一切處

為最上樂 住牟尼林 能善觀察 住意無貪

天人最上 住此欲貪 而不久遠 若行無貪

樂中最上 居林寂靜 行中第一 一切苦斷

受甜惡行 誑賺有情 適意林巒 宜善觀察

心善觀察 恒處安樂 心行無貪 樂處林野

若處山林	適意無貪	遠離善林	入寂靜林	此世間法	一切恩愛	如具富貴	棄背貪愛	若人煩惱	彼人樂林
離諸貪愛	善心成滿	永失利樂	獲最上樂	正覺正說	定有別離	福盡成空	無垢清淨	怖見林間	心恒純善
汝意速疾	是故聚落	林間默觀	衞已俊利	若覺愚迷	一切有為	盛處少年	心定生生	貪愛倍增	離欲無貪
厭離愚迷	散亂恒生	寂靜相應	思愛多方	捨愛知足	和合暫爾	老侵頓易	常獲安樂	而自燒煮	得寂靜樂

最上靜林	行若相應	報壽若終	被欲降伏	不久即滅	煩惱苦果	於善逝行	五欲之樂	無貪之善	是真善母
相應住處	善根增盛	亦歸生滅	而生眾苦	心如怨家	皆從欲生	縱任相應	先甜後苦	初後中間	愚迷欲樂
心行若靜	假使有人	恒行貪欲	欲愛之樂	能離彼樂	解脫生樂	離欲無貪	樂相壞時	離垢清淨	云何離彼
永離煩惱	得千帝釋	一切不見	須臾暫住	彼欲無得	彼樂真實	獲樂無盡	而沉地獄	受樂無窮	過失恒生

中後深苦	罪行云何	不見快樂	喻如世間
有其毒華	其色鮮豔	其體有毒	人若觸華
毒害於身	罪行欲樂	其毒亦然	又如當風
執彼火炬	亦如飛蛾	投其燈炎	欲樂之火
燒害亦然	是故欲毒	恒須遠離	天著欲故
積惡虛生	人慕愛貪	愚盈罪行	是故欲火
焚燒善根	賺失天人	沉斯惡趣	若未命謝
速迴心意	於一切善	修令增長	貪等惑亂
三過生塵	三毒作一	罪網猶大	若起三惑
相續不盡	歌舞唱妓	耳目順情	天意如石

而被牽動	一切欲境	蓋覆靜心	沉溺愛河
無時超度	天何愚迷	欲賺不覺	譬如毒樹
開其毒華	蜂蛾採食	毒殞其命	貪欲之毒
損害亦爾	而墮三塗	如火燒木	天人不覺
生此罪地	受苦終盡	方離泥犁	天人愚迷
不思作善	罪惡境界	彼無一信	智者審觀
真如幻夢	愚人非夢	為地獄因	是故離欲
得解脫善	棄背惡行	利益善因	彼利若行
永離諸惡	天無黑行	彼有智者	正見決定
不樂散亂	獲種種福		

爾時世尊敎受天子行不散亂行而說頌曰

天人宮殿 散亂之根 迷醉樂著 而墮輪廻

若離散亂 輪廻亦脫 彼散亂根 卽是無明

自性黑暗 如人無眼 我觀彼過 迷火不別

愚癡深廣 散亂亦然 衆生愚迷 積聚財寶

而自育養 復更散亂 墜墮惡趣 天亦愚癡

愛著女色 本望離苦 悅意快樂 寧知命殞

得大苦惱 集欲之樂 不久卽散 一切衆生

業壽有限 少壯剎那 卽當衰老 善惡業縛

誰得自在 譬如樂主 撚弄木人 須假線絲

方成作用 有情亦爾 須假惑業 方處輪廻

若離愛貪 則無作用 非久業行 智者不信

遠離一切 散亂方便 若離散亂 不生三界

譬如有人 墜墮深崖 其中猶有 不失命者

若人散亂 墜三界崖 其中未有 得出離者

一切惑業 散亂最上 於晝夜中 恒不安樂

若世間人 纖毫散亂 破壞有情 出世之意

是故遠離

彼世尊坐如寶說已 天帝釋發尊重心敷其坐具  
頭面禮足起立合掌見伽他書心生怖畏頌曰

若不散亂 如彼甘露 若行散亂 而墮無常  
 不散亂人 天中最上 散亂之行 輪迴之根  
 清淨之行 安樂之本 是故正定 於一切處  
 獲最上樂 若於欲樂 如怖極苦 散亂大毒  
 同壞眾善 迷毒散亂 人行惡作 不從散亂  
 能得安樂 若彼智者 平等宣說 德與無德  
 一切執我 為苦樂根 如我世尊 伽他書典  
 離欲清淨 獲益安樂

妙法蓮華經卷第六

音釋

全蒲悶切 鞮望發切 踰羊朱切 翺翔五勞切 翺似羊  
 芬醞切 芬撫文切 醞香氣也 鬱於勿切 木 姦媚詐也 媚明  
 慢切 紮博 囂許嬌切 鬱叢生也 詭直陷切 同 街切 焚  
 如切 詭詐居 詭詐也 詭詐也 詭詐也 詭詐也 詭詐也 詭詐也  
 矜也 殞于敏切 撚弄也 撚乃珍切 以指據也 自





設得人身	而獲下劣	若意住罪	黑暗無邊
若意住覺	如晝大明	如是衆法	佛所宣說
天生散亂	如酒迷醉	彼散亂故	如行地獄
輪轉人間	皆得滅壞	如是決定	生實無常
散亂障重	墮境界海	成枷鎖因	天多嬉戲
彼生若盡	永絕快樂	天不思惟	心生散亂
改轉善根	深著樂境	心猶不足	天人不知
爲苦惱本	無莫護多	無須更頃	無刹那間
不被愛降	欲境間斷	百般不悟	天恒受用
耽著放逸	被欲降伏	如地獄火	焚燒有情

而不揀擇	欲火亦然	焚燒天衆	亦不揀擇
又如餓鬼	口出火炬	燒彼飲食	傍生之類
飢火亦然	天人自作	如是欲火	普徧世間
焚燒一切	有情不覺		
彼有飛禽名具	足德覺彼散亂	善不能行	後墮彼天
而說頌曰			
善業斷盡	此壽刹那	衆生調伏	人得最上
一切少年	須臾命盡	一切富貴	須臾破壞
天人不恒	富貴不恒	刹那不住	勿作亂意
是故早行	勤修利益	護律儀法	寂靜理處

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

得苦見迷	彼後無常	被五欲火	彼命破壞	於五欲境	愚人無戒	如是恒行	彼諸眾生	此去不廻	塵過不生
心著愛境	得果方覺	置害焚燒	無數百千	受其快樂	不生天上	樂中最上	若無此戒	快樂亦然	天何不見
苦惱不知	心馳境界	一切散亂	那由他天	心不思惟	若天行欲	後戒清淨	後必煩惱	守護戒根	意若散亂
苦惱續生	動極大苦	人所樂著	迷欲散亂	一切不久	散亂迷毒	而得大果	是故戒行	天人快樂	行法不恒

於後悔恨	行輪廻行	展轉三界	彼苦非有	諸天境界	無別救者	人樂非法	善業滅盡	業繩繫縛	永離天上
煩惱疑惑	那覺輪廻	智者證真	若耽女色	汝非法行	唯如正法	非法既作	不覺墜墮	誰有安樂	
從境界生	隨逐人心	見輪廻住	恒行欲染	惡中最上	是故依法	苦火熾然	思彼快樂	貪愛轉增	
我心無知	互相愚迷	無常苦空	彼後不見	一切世間	法若遠離	永離天界	無常無有	牽入惡趣	

爾時帝釋見諸天衆受百般福德而大驚怖卽說頌  
曰

作善快樂	天受善報	天人上因	彼作前善
如日行空	明照世間	無二重輪	其智慧光
明照邪暗	亦復如是	而無二種	欲往天宮
行悲愍行	悲與羣生	爲出生母	依憑斯善
人生天上	又復悲心	饒益利樂	一切有情
得天愛樂	悲者恒善	一切衆生	及諸賢聖
普皆歸命	又復行悲	如清涼月	去彼煩惱
炎苦之熱	是故悲心	爲快樂本	一切欲心

天人業主 於其色聲 香味觸法 攀緣不足  
 苾芻觀察而說頌言

譬如劫壞	日火盛時	大海江河	普皆乾竭
眼識根等	觀攀色境	經彼俱胝	百千萬劫
貪癡欲海	而不能竭	人之貪心	勝龍不足
散亂之因	生一切惡	勿行散亂	散亂過人
障真如理	若行散亂	彼恒無善	人若離善
牽墜三塗	離一切樂	不生天界	命恒生滅
爲煩亂根	意通知此	苦中最上	若前根境
不了輪迴	而執決定	如空中華	如乾闥城

如水泡 如水聚沫 迷彼聚沫 爲卧具等  
迷彼幻化 爲自集動 天龍藥叉 及阿修羅  
迦魯拏等 虛幻亦然 誰救無常 若但作業  
而不早怖 極惡死王 速來逼害 是故作善  
後無煩惱 我覺汝等 勿行放逸 彼復生愛  
而被境牽 境縛有情 如牢枷鎖 爲地獄因  
永離解脫 是故不實 汝須遠離 此眞實法  
世尊所說 諦聽奉行 得益無盡  
爾時帝釋忽然之間覩佛影像與諸天衆發尊重心  
頭面作禮而說頌曰

彼佛世尊 正徧知者 現救度像 善開解脫  
若人歸禮 解脫輪廻 心獲勝善 此善調適  
無垢清淨 佛說此法 成涅槃道 言此行人  
得無畏力 受寂滅樂 住真空地 過輪廻海  
度三界難 開智慧眼 放最勝光 普見世間  
非如土木 凡愚之類 無其光明 遊行妄境  
若人貪垢 心不清淨 口過等毒 復以智水  
洗蕩離染 一切外道 執我無知 於斯諦理  
而不能見 彼無垢言 爲汝解說 佛在因地  
不行散亂 救度汝等 今到彼岸 復度他人

利樂一切 於其世間 唯一佛住 無利為利  
 利人最上 如是造惡 墮大地獄 如是修善  
 當生天上

彼時帝釋觀察天眾即說頌曰

譬如飛禽 順風吹急 輪轉人天 往復亦爾  
 皆因業感 如其苦樂 聚集散壞 隨業勝劣  
 其義亦然 是故造作 皆成因果 牟尼宣說  
 真如無邊 平等所依 業習種子 一切心作  
 而難調伏 唯佛如來 而為開覺 若業種種  
 從一至十 從十至百 從百至千 至那由他

無數有情 若干種類 墮大業網 莊畫世間  
 譬如飛鳥 連繩繫絆 欲往虛空 終不能去  
 有情亦爾 但造諸業 被業繫縛 欲出輪迴  
 而不得去

彼時帝釋見天散亂互相嬉戲樂著快樂觀彼天眾  
 即說頌曰

五樂歌舞 普徧天中 若不思惟 決定墮落  
 汝貪女人 自性堅著 無暫捨離 他意不恒  
 隨情進退 富者戀愛 常獲財物 詐親適悅  
 如有固恪 輕棄遠離 貪癡之人 追逐欲樂

譬如渴鹿	競奔陽焰	而求於水	耽欲亦爾
虛妄不實	彼諸女人	無恩無義	無疎無親
尊卑不分	種姓不顧	譬如遊蜂	其華芳盛
而卽採食	若見萎華	而卽捨去	又復女人
矯誑惑亂	如彼蜜內	隱藏毒藥	違害亦爾
有智之人	天心正決定	於斯欲妄	而皆不著
迷人見喜	深自樂著	如蟻聚羶	如蜂護蜜
天龍神鬼	諸惡夜叉	毗舍遮等	魔護囉訖
及羅刹娑	亦被迷惑	欲性不實	生妄境界
喻如幻法	誑賺有情	得無常時	衰壞不覺

彼天妙地	一切林木	華果莊嚴	爲生死纏
牽繫汝等	如繩繫犢	而不自在	快樂境界
男女眷屬	於無常時	誰能救護	若人得住
多聞智慧	善業之舍	適心最上	我今當去
南閻浮提	泉流河海	園苑亭臺	悉皆具足
如是種種	有如法者	不如法者	論義慧學
法與非法	我今悉知	虛妄怨心	迷賺有情
彼有苾芻復說頌曰			
心怨下劣	生五根毒	蔽螫衆生	如五頭蛇
虛懷悔恨	魚等五境	爲大愛河	無到彼岸

彼岸寂靜	離諸邪妄	邪見無利	迷墮地獄
彼邪見人	無因計因	墮惡邪見	障覆靜心
謬解因果	行輪迴難	得苦惱身	業果生滅
善惡亦然	若見真空	卽到彼岸	永離生滅
汝等應知	愚癡迷欲	欲覆迷人	若住正見
微妙清淨	戒行律儀	出世及天	求不難得
若著邪見	修邪難業	我願長壽	非自愚迷
而復迷他	所行黑暗	墮大輪迴	成就苦因
逼迫自性	如佛所說	利樂之要	反照正性
根塵境空	我山自摧	煩惱清淨	出生死難

住涅槃城	是真解脫	汝等世間	一切有情
深著欲樂	邪毒入心	涅槃彼岸	終不能到
假使百劫	輪沒世間	如彼枷鎖	不可得脫
智者所說	出世法財	微妙經典	信受奉行
快得善利	邪見無因	橫執下劣	虛妄典教
迷謬有情	普墮輪迴	衆生云何	虛誑眞法
無因妄見	不惑舍生	自墮墮他	俱入惡趣
彼有飛禽名曰蜜行	於其樹林	食蜜嬉戲	而說頌曰
衆生飲酒癡迷醉		愛味誰知癡索牽	
墜墮無常惡趣中		是故勿飲無明酒	

輪迴因觸生癡見	非法皆從貪愛生
一切塵勞業海深	是名如來大智說
汝知飲酒壞名色	善惡無分譬目盲
乃至身倒不覺知	可喻木石人恥笑
飲酒無恒多過失	三十六失作乖違
智者染著為大暗	是故遠離於飲酒
迦捨華輕等彼人	浮囂不定無忠信
增長貪瞋生死續	要摧此力勤救護
爾時帝釋天主復說頌曰	
無瞋破瞋	法破非法
忍辱破怨	光破黑暗

實破妄語	定破兩舌	善破惡口	親破非親
慈破殺生	施破慳悋	念破非念	明破無明
晝破於夜	白破黑月	邪欲思惟	真覺智破
惡趣難業	八聖道破	四無礙智	破諸訥鈍
智破無智	安住寂靜	破彼攀緣	風破於山
火破一切	海吞江河	日破星宿	富破貧窮
火破於寒	水破於渴	食飲於飢	足破不足
恒讚於悲	不讚無悲	妄語惡業	破墜有情
善說真如	破有為慧	如佛世尊	能破外道
天諸勢力	破阿修羅	帝釋告言	我降汝等

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

法華要義卷第十

八

爾時帝釋而說頌曰	譬如大風	隨業聚散	自作惡業	如是一切	被業風吹	行迷智慧	若復一心	一切天衆
受大破壞	天男天女	輪轉地獄	好行非法	奉行正法	奴僕之類	所以者何	住正法者	威勢若斯
聚散不恒	又如華敷	又	輪迴有情	開結應時	及諸愚迷	一切衆生	誰同代受	不墮何去
輪迴有情	開結應時	又	輪迴有情	開結應時	及諸愚迷	一切衆生	誰同代受	不墮何去

茂盛凋殘	亦復不住	往而不復	隨而不復	無復快樂	不住幻體	吹壞生命	迷愛亦然	虛妄迷愛	守護此戒
隨時不住	人作福善	如樹生葉	天人亦爾	譬如天雨	譬如大風	譬如朽木	經百千生	廣徧一切	七佛所說
時亦如是	嬉戲得時	繁茂甚多	受天快樂	不住虛空	吹壞雲雷	墮火炎中	墜墮泥犁	魔滅善行	戒定第一
過去未來	福樂若盡	若值霜雹	若值輪迴	快樂亦然	快樂亦然	永不復故	不復人天	遠離人天	思念生生

五

法華要義卷第十

上

忠

得人業地 思念多劫 父母業地 得生天上

爾時帝釋復說偈言

若得人中生	由宿行多善	今奉諸律儀
而復生天上	人中難得生	得者針投芥
迷惑若散亂	復墮於地獄	善行三業已
寂靜審觀心	煩惱自消除	定得生天上
煩惱伏令盡	內生適悅心	清淨離貪瞋
而得生天上	斷除於憎愛	摩訶苦不生
種種復行檀	而得生天上	恒運慈悲心
救護於含識	如護自身命	而得生天上

他行不善心	害物毒如火	所求皆施與
而得生天上	若覩他妻妾	不生邪染心
如母敬愛觀	而得生天上	若人觀妄語
如火生舌頭	禁戒若真實	而得生天上
兩舌而不作	親友使和合	愛語絕乖離
而得生天人	惡口言無度	傷人利若刀
善語離前非	而得生天上	綺語而增過
加言飾說多	如理稱實談	而得生天上
此戒宜持護	七佛同所宣	無畏戒法圓
而得生天上	一切諸衆生	若生增上慢

如被枷鎖縛 不得於解脫

爾時有一苾芻而說頌曰

若此女人索 縛人最堅固 輪迴受報時 非縛項頸索

惡果居第一 若此女人索 女索縛人切

纏縛有情心 生苦為第一 女索縛人切

人間無有比 地獄鬼畜生 為彼女縛去

大色索縛身 可見索形量 女索心非色

縛大無形量 女索雖悅意 迷生不解脫

縛彼一切人 不出輪迴難 六塵俱縛人

女索力最大 降伏於眾生 此縛居最上

若此女人縛 愚迷心愛戀 為妻妾眷屬

堅牢不可解

彼帝釋天主如是一千天子一切皆見心生歡喜歌

舞作唱稱讚天王而說頌曰

帝釋忉利王 娑婆世父母 行天梵善行

不著於欲樂 正法救世間 非法令除斷

以法適其心 此樂未曾有 最上最勝智

慈心真實言 快樂法非常 清淨而無染

所有世間德 及彼出世德 天王自在行

一切見無異 救度恐怖者 離苦獲安樂

天人阿修羅	世間常持護	此處切利天
彼諸林木樹	種種寶莊嚴	蜜覆如繒蓋
地布瑠璃渠	宮殿眾寶色	蓮華恒自敷
莊嚴適其意	天人業因盡	劫火破壞時
妙高一切無	未有不空者	何況諸天眾
如泡如水沫	纔生又復無	無明迷不覺
帝釋天中尊	彼恒放光明	照耀於我等
一切皆依住		

爾時帝釋而說頌曰

妙高眾山王 光明真金色 瑩淨體分明

喻彼水中月	若此金光明	喻彼持戒者
無垢戒光明	十六分虧一	自業得生天
莊嚴而具足	業有上中下	感果亦復然
隨自禁戒心	遠離於散亂	住此正法位
恒獲於快樂	若生無垢戒	身有大光明
如彼千日輪	共聚光無異	佛說七種戒
歡喜若受持	彼為最上人	當獲第一果
種種作善業	彼定有後身	無作無彼行
無業無破壞	愚迷不信因	無因亦無果
如覓水中酥	不受於安樂	迷罪心行暗

非善非安樂 煩惱互相增 見彼未曾有  
 妙法聖念處經卷第七

妙法聖念處經卷第八

宋西天印慶摩伽陀國那爛陀寺三藏傳教師賜紫沙門法泰詔譯

又復宣說輪迴頌曰

一切天人	有大散亂	初如親友	後作怨家
如火焚燒	如刀割切	人間天上	得失平等
心意狂迷	如同怨家	天人不知	智者遠離
散亂毒樹	說有三枝	為老病死	恒復相續
智者離妄	純善相應	老等三枝	而不為害
如過遠離	散亂不生	惡怖解脫	得最上樂
若散亂樂	不久有怖	若解脫樂	樂定無盡

百千萬億 般都摩人 樂住名利 妄亂所賺  
妄亂之上 有四種過 若離妄亂 破世間怨  
彼妄亂行 多疑多怖 多難多苦 展轉輪迴  
無有窮盡 四過離一 獲樂無邊 汝等天人  
一心散亂 障覆一切 無漏善法 云何而得  
寂靜安樂 若樂自利 修善思惟 煩惱苦等  
於後不生 若諸天衆 所著欲樂 虛妄不實  
一切不火 從幻化生 彼不知見 幻化自性  
而不決定 遠離安樂 恆生衆苦 實言告汝  
若人恒善 世所敬愛 賢聖圍遶 後生天上

受天妙樂 若復行施 得一切人 心生敬喜  
後得富貴 施果如是 若行忍辱 後生天上  
無所怖畏 世人愛重 名稱遠聞 面貌端嚴  
具足朋友 受天妙藥 彼等有情 猶如一切  
世間父母 能破罪暗 譬如日光 住意最上  
爲慈悲寶 出生善根 通達諸法 雖復在家  
若住正見 彼智解脫 輪迴枷鎖 罪友不生  
人獲安樂 聞未聞法 聞之不退 超諸惡趣  
得生天上 心善無垢 諸過不生 離染清淨  
善知報應 解微妙義 絕諸過罪 譬如虛空

不住淤泥 得寂靜果 深信三寶 獲無所畏  
與諸天衆 尊敬如來 信受佛教 蒙法救護  
生我有果 生身有愛 淪溺無邊 此苦難窮  
十六分苦 不及此一 少味多怖 恒賺有情  
喻乾闥城 智者寧信 說殺衆生 至命終時  
樂不隨行 都無所得 種種衆生 有種種心  
種種業行 輪迴枷鎖 一步隨去 生復有死  
愚痴迷惑 真實自性 而不覺悟 無常大怖  
隨彼衆生 來而復去 散亂不知 境界天迷  
如逢蛇螫 墜墮天人 此苦無等 父母妻子

男女眷屬 親友知識 不可代受 味著境界  
樂欲迷深 不覺死王 大苦速至 云何方便  
令離苦惱 若無愛欲 苦不能害 亦復不生  
地獄餓鬼 傍生之類 爾時帝釋天主復說頌曰

人行邪道 欲見正真 如手探水 而取其火  
若復無因 何所有果 散亂無德 利益何生  
破壞天人 此意若生 迷欲適悅 後得無常  
心大熱惱 境界不迷 欲火不發 各稱不貪  
安樂最一 若復一心 貪愛世樂 十六分罪

不及此一	若發大信	解脫輪廻	愛盡境亡
見無爲樂	禪樂相應	無瞋無喜	彼善若生
無復輪廻	究竟彼岸	若有欲心	而求快樂
被業繩牽	墜墮地獄	得一切苦	誰人救解
往而復來	從業因生	無前中後	非今後世
作過無明	墮人惡趣	是知自愚	行散亂毒
浮生頃刻	迷愚不覺	後無常位	乃可知苦
若生有苦	怖彼無常	作意妙法	彼救爲實
眞成安樂	如斯言說	實爲利益	令心行善
速得安樂	樂中最上	決定無失	天若迷惑

不依彼法	而作亂意	生墮地獄	無有出期
彼有飛禽各種	種鬘覺悟彼	天而說頌曰	
種種業生	彼隨天人	知不依法	彼後熱惱
世間所有	種種善果	園林華鬘	階道樓閣
適悅身心	如作善業	得見彼果	天人業因
有上中下	天非作彼	無彼彼果	癡降天人
迷種種行	彼意若迷	不見大怖	失自利行
種種愛樂	求種種果	迷心作業	天無戒行
如夜無燈	而覓光明	因與果等	眞實可修
眞如智果	得有樂分	離命無果	離燈無光

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

卷九

如法聖者處經卷八

四

八

離戒無天	若離智慧	而無解脫	若離解脫
而無安樂	百般求救	方脫愛身	智者離我
無此業樂	一切有罪	而復不生	得彼利益
一切聖人	無垢所說	百千劫人	樂欲境界
耽著不足	一心不捨	漸漸增長	增長彼毒
須臾墮墮	智知德過	此法師相	德過無知
此迷行相	德處生德	過處亦然	知真過德
恒獲安樂	德過難知	離彼智故	何智最上
天行境界	彼意無智	百願無能	得彼安樂
如作大業	最上戒采	得作人天	微妙適悅

最為第一	根門顛倒	邪取境界	若降此心
得天快樂	福樂苦惱	自作自受	作罪決定
如住怨家	作善亦然	如親善友	若意速辦
清淨福力	當得人天	如流赴海	恒行惡境
惡行相應	決定無益	彼岸智種	若意愛樂
得苦非法	非法快樂	即成魔苦	此苦樂相
二俱平等	若人有智	厭苦忻安	滅忍妙法
而可奉行	苦之與樂	無因不見	種種苦樂
各別因生	衆生自行	多劫多生	一切業果
種種不失	若樂行去	守護正法	得生天上

經

如法聖者處經卷八

五

忠

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

受妙快樂	迷法之人	遠離正法	無得利益
墮輪迴獄	法眼若開	癡不降心	見此快樂
如雨下地	虛妄不實	作意佛刹	心植法種
癡盲戒法	樂行非法	行非法道	心賺輪迴
人得罪義	若此心行	自性輕浮	種種顛倒
刹那不住	幻化非實	如乾闥城	纏縛智識
速宜省悟	天人散亂	愛貪境界	被境誤賺
命墮不知	快樂虛妄	一切不定	諸天作樂
不義即滅	迷轉天衆	生生亦然	生法虛假
彼計真實	生法不定	彼計決定	行彼佈法

纏縛壽命	墜墮天人	如唾落地	女心顛倒
虛妄誑賺	若復捨離	得第一樂	女人顛狂
嚴飾不恒	惑詐巧言	移性不定	譬如遊蜂
逢華即採	無華即捨	女人亦爾	有財即募
無財即捨	女心妬惡	等彼黑毒	又復女人
難為共住	如風大起	如火大熾	如空大徧
誰能收把	女人易性	機便百般	亦莫收把
若一女人	為惡業因	破解脫行	成病死難
若多女人	生其煩惱	為彼世間	種種留難
幼少女人	愚迷增長	自性顛狂	無明熾盛

如日放光	又復女人	無實愛戀	如彼燈炎
彼實爲怨	如蠅叮瘡	愛彼有財	非愛無財
若有財物	女人樂住	若無財物	云何可住
無與財利	而不親近	性行差別	心能喻火
無降女者	如人隨順	承事如如	亦復棄背
女多虛誑	如華蓋蛇	女人肉心	如灰覆火
色蓋亦爾	適悅不善	身如毒樹	生彼毒華
勿須親近	一向欲境	愛著女人	今世後世
人無快樂	無明迷醉	顛狂懈怠	愛味行罪
不見人賢	智者知法	深信因果	發精進心

猛利修行	遠離女色	人獲聖善	人行女地
如履黑網	智者不著	得盡魔界	一切禁戒
女戒第一	何不離女	智者遠離	得寂靜樂
彼女人縛	猛火器仗	不能燒截	衆生強力
不可調伏	我離彼故	一心天上	捨彼快樂
生夜摩天	得無盡樂	快樂中大	此等眼耳
鼻舌身意	於彼色聲	香味觸法	六根不住
此諸天衆	恒行渴欲	而無有足	如火自性
能燒草木	何時有足	彼六根火	猶豫不決
燒此有情	都無知覺	此散亂地	不行道法

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

離彼散亂	所愛境界	人隨自業	得住真實
女人生愛	其心難御	隨自業因	生有別離
如是觀察	女人顛倒	生離別處	若覓快樂
心住狂惑	行欲女人	如親惡友	意在三非
身得四苦	是故恒離	欲毒之火	快樂苦惱
隨自業牽	若於天上	著五欲樂	天人宮色
不久隨墮	佛見真空	得解脫道	說彼輪廻
一切由業	女人為愛	得過最上	無決定心
如日無暗	如火無冷	女人薄信	無愛亦然
如地如風	動靜不等	女人恩害	不等亦然

人雖一心	多行恩戀	彼意非恒	時頻遠離
喻如鸛鵲	立望空池	又如大山	未見能行
亦如大河	未見逆流	女人亦然	未見實愛
生為過網	障礙人法	譬如日光	不離日體
如彼諂愛	不離女人	雖復美言	給賜財物
而彼女心	難降如火	意悅平和	艱難捨離
一念生過	尋便忘恩	女人鄙惡	難降如火
宜速捨離	遁迹山林	求寂妙樂	天人發意
迷欲快樂	不悟惡怖	必損命壽	生在彼天
決定無常	如夜日沒	是故三界	大夜無常

可等日沒 若求出要 彼作利益 行三聚戒  
彼業報應 得妙快樂 天復散亂 無一念心  
別作善業 彼樂必盡 愛欲不善 當獲大苦  
餘苦十六 不及一分 善哉善業 欲心無足  
如採魚人 貪魚亦爾 欲纏覆心 如眠長夜  
迷愛相續 無常不覺 後見苦相 方知彼果  
又此欲惡 先如賢友 後無利行 若信彼欲  
盲智慧眼 後墮地獄 如落山崖 不散亂行  
最上善友 恒救護人 是求善友 散亂爲怨  
此毒最惡 佛說散亂 入惡趣道 若迷散亂

愛樂境界 彼迷過人 恒得苦惱 若有苦怖  
無智觀察 彼等傍生 不得天人 上妙快樂  
若彼天人 愛樂飲食 及著姪欲 心行傍行  
當處傍生 若無分別 非知德業 若知心法  
知業亦然 於此嬉戲 住無常舍 得無常時  
受苦難果 若怖無常 起大智慧 思惟正法  
深樂經典 是真智者 一切貪愛 無常怨家  
快樂盡時 壞一切命 彼得無常 最大惡處  
餘不可救 唯依正法 是真歸仗 深心諦觀  
無常之根 散亂爲本 先治攀緣 後去無常

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

得法命樂	說此第一	此不散亂	可行天道
善知苦縛	解脫亦然	不離散亂	為善快樂
已善非善	如雲散滅	若人精進	發勇猛力
拒捍魔軍	得彼寂靜	上妙安樂	若人邪亂
不行善行	宿善業盡	當墮地獄	若人一心
靜諸不善	離諸苦惱	當獲福樂	若降諸根
不染罪法	境界亦然	離諸纏縛	及輪迴道
等彼黃金	不住塵垢	出生死難	一切清淨
若散亂行	不過六根	塵事不生	一切利益
是大安樂	適悅充足	若彼天人	身心清淨

女色不著	如魚履水	塵埃永離	智慧亦然
是故天上	遠離女色	作意欲愛	定得纏縛
迷一切法	事與非事	斯人薄祐	遠離涅槃
親近法師	得真法智	行法求果	如是成就
心恒離妄	調伏諸根	得到彼岸	由彼智慧
意索不住	纏縛境界	智者能除	為彼世間
解法之師	天上園林	自在遊戲	多獲快樂
適悅境界	若能棄捨	作彼善業	心靜安樂
是為甚難	生夜摩界	若離散亂	虛妄攀緣
生彼天者	數及俱胝	及鉢都摩	得自業果

若心難調 作彼業果 因心輪轉 衆生迷此  
十二緣起 展轉輪廻 過現未來 人間天上  
一切有情 皆由心作 妙高山頂 瑠璃之地  
帝釋聖賢 於此恒住 別有山峯 瑠璃所成  
乾闥婆住 人不能到 一切地位 林樹園苑  
散別各住 適悅其意 人不能到 最上金地  
有蓮華池 瑠璃所成 人不能到 復有流泉  
及諸池沼 衆鳥羣集 往來遊戲 殊妙第一  
人不能到 宮殿車乘 最上莊嚴 諸天住此  
人復遠離 人遠離故 欲境所賺 如是世苦

心無怖畏 轉復愚頑 行彼輪廻 恒受衆苦  
如繩纏縛 如籠覆鳥 彼上一一 殊妙天界  
而不得生 世間女縛 破壞善法 增長生死  
若人貪著 被死魔軍 競來破壞 散亂之性  
迷著女人 得無常時 自受業果 山林蓮華  
流泉浴池 彼可嬉戲 何愛女人 決定得彼  
生死大患 恒貪名利 得患亦然 彼女人縛  
多作貪愛 難可調伏 而爲大患 違損世間  
一切有情 若此女縛 世間欲貪 爲過最大  
一心思惟 知過實然 欲過既深 不墮何去



彼一切人 降心離欲 遠離女人 生夜摩天  
 彼有光明 如日如星 隨身照耀 乘虛適悅  
 一切亦然 是彼光明 天人具足 一切如是  
 天主見彼之衆於其光明取相執著而宣金字偈文  
 如說頌曰

天身無垢膩	恒修清淨行	散亂不令生
長獲於快樂	非揀樂與苦	老少及中年
上族并下族	不免死王壞	有主無主者
力與非力輩	醜陋及端嚴	不免死王壞
王侯及臣從	在家與出家	或善或非善

不免死王壞	富貴與貧寒	有德及無德
若女若男身	不免死王壞	曠野及山川
水中與陸地	主客禽畜等	不免死王壞
睡與非睡者	喫食與不食	一切在世間
不免死王壞	地上與天上	此界及他方
輪轉亦復然	不免死王壞	厚福及薄福
剛強與柔和	患病及身安	不免死王壞
餓鬼與傍生	人與非人等	無力亦無能
豈免死王壞	欲界與色界	一切天人住
福壽消盡時	不免死王壞	上至無色界

一切諸天衆	住三摩鉢底	不免死王壞
三界情非情	一切如幻化	離繫出世者
非彼死王侵	知此無常力	一切欲愛生
墜墮受輪迴	展轉無窮已	耽味世間境
因欲生煩惱	違損如毒蛇	永沉於地獄
無常有情難	作善而無力	輪轉於世間
皆由心所造	迷欲行散亂	樂欲五塵境
愛索縛天人	墜墮於惡趣	天人行散亂
一切快樂貪	不住譬懸河	身墮都無覺
著彼快樂者	命險若臨崖	天衆不能觀

如盲履非道	迷欲著樂者	不如於盲人
迷欲墮三塗	盲人却非墮	是故依欲行
不如無目者	於欲而無厭	寧知心自迷
墜墮不離心	恒作無功利	若行欲愛者
無智無知識	念念欲苦生	云何復行欲
此所招欲果	如得惡朋友	牽入無常宮
恒時住惡趣	人死不復活	如流去無反
欲樂亦復然	一切成虛幻	一切衆生命
生滅若浮漚	流年少不廻	急急如逝水
生老無常若	一切皆盡有	天人不覺知

心恒而散亂 若起無垢慧 作意清淨行  
易得世間身 永不入惡趣 未生善令生  
已生令增長 所作善隨心 自身果亦爾  
善心見欲境 如觀器械毒 不善著欲境  
迷心得適悅 諸根爲善惡 皆由於自心  
心起煩惱集 而得善惡果 智者正覺察  
觀色平等空 斷除苦集緣 何各而有果  
熾然諸境界 一切因自心 心善若調伏  
如色空平等 如彼一窠稻 莖淨色相別  
心行亦復然 種種生煩惱 彼稻喻心王

心王作諸行 稻生莖等別 世心亦如是  
散亂貪欲色 色境喻浮雲 不覺苦果生  
而隨業相轉 彼既見此苦 天人何樂欲  
若恒生欲愛 遠離一切善 是故智慧人  
於欲而捨離 苦實恒苦空 是苦自行相  
苦果既無常 智者非所樂 境界虛誑心  
心迷無知業 天人墜墮時 業牽無所覺  
設生夜摩天 自性成虛幻 盲無智眼  
不見貪慢垢 墜墮得無常

是時妙德卽說頌曰

無常覺眼視 衰相自焚燒 設住兜率天  
報盡如燈滅 大力十二支 爲輪布法界  
業報流轉時 生滅各不定

妙法聖念處經卷第八

音釋

慵蜀庸切

敲五巧切

訥鈍訥內骨切言難也

雹蒲角切

切雨也 鵲古玩切  
冰也 鵲鳥名

奉和信官楊仁愿捐俸刻  
妙法聖念處經

東塔寺釋道源

東湖信士毛晋

同對

崇禎癸未孟秋虞山華嚴閣識

經八卷  
共字三萬一千五

計寫銀一兩二錢六分二厘

計刻銀十二兩三分九厘

共板四十九塊

計工價銀二兩九錢六分  
上元于起龍書  
句容潘守誠  
長洲李如科 同刻



種是名壞滅菩薩智慧今於此重說頌曰

若人慢佛法 憎嫉法師處 樂法作隱藏

求法而障礙 瞋怒斷善根 覆法不為說

愛樂誑賺他 恒行自求利 我說此四法

斷滅菩薩慧 四法如是故 汝等應當知

佛告迦葉波有四最上法觀增長菩薩大智迦葉白

言是義云何此四法者一者於佛教法深生尊重二

者於法師處勿生輕慢三者如聞得法為他解說起

正直心不求一切利養四者稱讚多聞增長智慧一

向正心如聞受持行真實行而不妄語迦葉此四種

法增長菩薩大智慧故我今於此重說頌曰

尊重於佛法 及彼法師處 如聞為他說

不求於利養 亦不要稱揚 一向而求聞

多聞生智慧 如聞受持法 持已依法行

稱法真實故 是彼法師行 口意無虛妄

四法可為師 得佛大智慧

佛告大迦葉有四法具足是障菩薩菩提心迦葉白

言云何四法迷障菩提心此四法者一者所有阿闍

黎師及諸善友行德尊重反生毀謗二者他善增盛

於彼破滅三者若諸眾生行大乘行而不稱讚妄言

謗毀四者棄背正心邪妄分別如是迦葉此四種法  
迷障菩薩菩提心我今於此重說頌曰

闍梨師善友 行德俱尊重 不行恭敬心

反生於輕毀 他善增熾盛 破壞滅除他

菩提大行人 謗毀行輕慢 棄背正真心

邪妄而分別 如斯四惡行 迷障佛菩提

是故此四法 遠離無上覺 無此四過者

最上得菩提

佛告迦葉波有四法具足令諸菩薩一切生處出生  
菩提心直至菩提而坐道場而無障礙迦葉白言云

何四法一者不爲身命而行邪見妄言綺語二者去  
除一切衆生虛妄分別三者爲其佛使發起一切菩  
提種相如實名稱流徧四方四者所有一切衆生教  
化令得阿耨多羅三藐三菩提各說今得迦葉如是  
四法具足菩薩一切生處出生菩提心中間無迷直  
至菩提坐道場座我今於此重說頌曰

不爲自身命 邪說及妄語 心恒愍衆生

除妄及懈怠 能作如來使 及爲衆生師

顯發行菩提 名聞徧四方 教化諸衆生

令成無上覺 安住此法中 菩提心不退

佛告迦葉波有四法具足令諸菩薩已生未生善法皆令滅盡永不增長迦葉白言云何四法一者世間所有深著我見二者觀察種族住著利養行呪力事三者瞋恨苦薩偏讚佛敎不普稱讚四者未聞難見經法聞之疑謗如是迦葉具此四法令諸菩薩已生未生善法皆悉滅盡永不增長我今於此重說頌曰  
由此著我見 皆令善法盡 觀察於種族  
呪術求利養 毀於菩薩敎 而不普稱讚  
未聞甚深經 聞之生疑謗 具行此四法  
不久善法盡 是故諸菩薩 行此四法者

遠離佛菩提 譬如天與地

佛告迦葉波有四法具足令諸菩薩善法不滅得法增勝迦葉白言云何四法一者願聞其善不願聞惡求行六波羅蜜及菩薩藏二者除去我見心行平等令一切衆生得法利歡喜三者遠離邪命得聖族歡喜不說他人實不實罪亦不見他過犯四者若此深法自智不見而不謗毀彼佛如來如是而見如是而知我不能知佛智無邊種種無礙如來爲諸衆生演說此法如是迦葉具此四法令諸菩薩善法不盡得法增勝我今於此重說頌曰

常願聞其善 非願聞諸惡 恒行六波羅  
而求菩薩藏 斷除於我見 而行平等心  
普令諸衆生 得彼法利喜 活住清淨命  
復值聖種族 他罪實不實 終不而言說  
設覩諸過犯 如同不見聞 此法甚深奧  
少智不能知 唯佛自明了 而不生疑謗  
佛智廣無邊 如來爲衆說 行此四法者  
勝智法無盡 安住此法中 菩提不難得  
佛告迦葉波有四種法生不信心離菩薩行迦葉白  
言云何四法一者疑惑佛法心不愛樂二者我見貢

高瞋恚有情三者他得利養貪愛憎嫉四者於佛菩  
薩不信心敬亦不稱讚而復毀謗迦葉如是四法生  
不信心離菩薩行我今於此重說頌曰

疑惑諸佛法	作意不愛樂	貢高我見增
瞋恚衆生故	他所得利養	貪愛起憎嫉
於佛菩薩衆	心不生信受	此四不信心
遠離菩薩行		

佛告迦葉波有四種法令諸菩薩得柔軟相迦葉白  
言云何四法一者所得阿鉢羅諦得已發露終不覆  
藏遠離過失二者彼須真實所言誠諦寧可盡於王

位破壞富貴散滅財利捨於身命終不妄語所言真實亦不令他言說虛妄三者不發惡言毀謗憊無一切衆生乃至善與不善鬪諍相打禁繫枷鎖如是之過亦不言說恐自成罪得業果報四者依彼信行深信一切諸佛法教心意清淨迦葉如是四法令諸菩薩得柔軟相我今於此重說頌曰

所獲阿鉢羅	恐成於過罪	不敢自覆藏
洗心而發露	用意要真實	所言須誠諦
寧盡國王位	捨命破資財	不發妄語言
棄背真實行	亦不教他人	令作虛妄事

又不行毀謗	憊無一切衆	善與不善者
乃至鬪諍等	終不說視他	恐招自業果
心住清淨行	信樂佛菩提	此四佛宣揚
衆生宜親近		

佛告迦葉波有四種法令諸菩薩心意剛強迦葉白言云何四法一者所聞最上勝法心不樂行二者於法非法雖知淨染淨法不行而行非法三者不親近阿闍梨及師法等信受妄語不知食處四者見諸菩薩具其勝德都無恭敬我見輕慢迦葉如是四法令諸菩薩心意剛強我今於此重說頌曰

聞彼最上法	心意不樂行	淨法而不修
非法生愛樂	棄背阿闍梨	不敬於師法
受食處不知	信行於妄語	菩薩有勝德
不生於尊重	下劣我見增	剛強心輕慢
此四佛自宣	我常亦遠離	

佛告迦葉波有四種法令於菩薩知見明了迦葉白  
 言云何四法一者聞善樂行聞惡樂止知法真實棄  
 背邪偽受行正道二者遠離毀謗純善相應美言流  
 布眾所愛敬三者親近師教知彼食處調伏諸根戒  
 定不間四者自得菩提不捨眾修行實慈愍令彼受

樂廣大真德迦葉如是四法令於菩薩知見明了我  
 今於此重說頌曰

聞善樂欲行	聞惡心欲止	棄背邪偽因
受行入正道	毀謗恒遠離	善業得相應
流布善言音	令眾生意重	親近於師教
知彼食來處	制伏取境根	安住於戒定
雖得佛菩提	不捨有情界	行彼真實慈
令求無上德	此四佛所宣	速得善逝果

佛告迦葉波菩薩有四種違犯迦葉白言云何四種  
 一者眾生意根未熟而往化他菩薩違犯二者下劣

邪見衆生廣說佛法菩薩違犯三者爲小乘衆生說  
大乘法菩薩違犯四者輕慢正行持戒衆生攝受犯  
戒邪行衆生迦葉如是四種菩薩違犯我今於此重  
說頌曰

衆生信未熟 而往化於彼 下劣邪有情

爲彼廣說法 於彼聲聞處 分別大乘法

輕慢正行人 攝受破戒者 知此四違犯

菩薩須遠離 依此四法行 菩提不成就

佛告迦葉波有四種法成菩薩道迦葉白言云何四  
法一者於一切衆生心行平等二者於一切衆生用

佛智教化三者於一切衆生演說妙法四者於一切  
衆生行正方便迦葉如是四法成菩薩道我今於此  
重說頌曰

於彼羣生類 恒行平等心 教導諸有情

令人如來智 常演微妙法 救度一切人

安住真實中 是名正方便 此四平等法

佛自恒宣說 依教彼恒行 成就菩薩道

佛告迦葉波有四種法爲菩薩怨而不可行迦葉白  
言云何四法一者樂修小乘自利之行二者行辟支  
佛乘淺近理法三者隨順世間呪術技藝四者用世

智聰辯集彼世間虛妄無利之法迦葉如是四法爲菩薩寃不可同行我今於此重說頌曰

若行聲聞乘 出家自利行 及彼辟支迦

證悟淺理行 耽著世間藝 技術禁呪等

復用世智辯 虛集無利法 誑賺於衆生

不到真實際 此四菩薩行 善根皆滅盡

寃家不同行 佛言宜遠離

佛告迦葉波有四種法爲菩薩善友迦葉白言云何四法一者所有求菩提道者爲菩薩善友二者作大法師爲菩薩善友三者以聞思修慧出生一切善根

者爲菩薩善友四者於佛世尊求一切佛法者爲菩薩善友迦葉如是四法爲菩薩善友我今於此重說頌曰

求成菩提者 佛子親善友 作大說法師

顯發聞思慧 教化諸衆生 出生五善根

恒爲善逝子 當獲正覺道 佛說此四法

不迷於正行 令得大菩提 是名真善友

佛告迦葉波有四種法爲菩薩影像迦葉白言云何四法一者爲利養不爲法二者爲要稱讚不爲戒德三者自利求安不利苦惱衆生四者於實德能不生

分別樂欲迦葉如是四法為菩薩影像我今於此重說頌曰

廣求於利養 不為聽受法 愛樂人讚揚

棄捨於德業 一向求自安 不愍眾生苦

於彼實德能 無樂無分別 如是四種法

佛說為影像 汝諸菩薩眾 各各宜遠離

佛告迦葉波有四種法為菩薩實德迦葉白言云何

四法一者入空解脫門信業報無性二者入無我無

願門雖得涅槃恒起大悲樂度眾生三者於人輪迴

巧施方便四者於諸有情雖行給施不求果報迦葉

如是四法為菩薩實德我今於此重說頌曰

入彼空解脫 信觀業無性 無我無願門

安住慈愍行 雖證涅槃空 樂度眾生故

於彼輪迴中 巧設諸方便 廣濟於羣生

不希於福報

佛告迦葉波有四種法為菩薩大藏迦葉白言云何

四法一者於諸佛所恭敬供養二者恒行六度大波

羅密多三者尊重法師心不退動四者樂居林野心

無雜亂迦葉如是四法為菩薩大藏我今於此重說

頌曰

5  
6  
7  
8  
9  
80  
1  
2  
3  
4  
5  
6  
7  
8  
9  
90  
1  
2  
3  
4  
5  
6  
7  
8  
9  
100  
1  
2  
3  
4

系

佛告迦葉...

九

於彼諸佛所 供養一切佛 大乘六度中

所行波羅蜜 尊重說法師 承事心無退

常居林野中 清淨無雜亂 此四善逝說

佛子大法藏

佛告迦葉波有四種法遠離菩薩魔道迦葉白言云

何四法一者所行諸行不離菩提心二者於一切衆

生心無惱害三者於一切法明了通達四者於一切

衆生不生輕慢迦葉如是四法遠離菩薩魔道我今

於此重說頌曰

所行衆善行 不離菩提心 於彼諸羣生

恒時無惱害 諸法善通達 於生絕輕慢

此四善逝說 遠離諸魔道 是人依此行

得彼真空際

佛告迦葉波有四種法集菩薩一切善根迦葉白言

四法云何一者樂住林間寂靜宴默二者布施愛語

利行同事攝諸衆生三者樂求妙法棄捨身命四者

聞義不足集諸善根勤行精進迦葉如是四法能集

菩薩一切善相我今於此重說頌曰

樂住閑寂處 宴默離喧煩 四攝御衆生

今登於覺路 勤求於妙法 棄捨於身命

經

佛說大迦葉問大寶積王法華經卷三

上

忠

精進集善根 聞法心無足 佛說此四行  
出生無邊善

佛告迦葉波有四種法生菩薩無量福德迦葉白言  
云何四法一者恒行法施心無憍惜二者起大悲心  
救護破戒衆生三者化諸有情發菩提心四者於下  
劣惡人忍辱救護迦葉如是四法出生菩薩無量福  
德我今於此重說頌曰

廣說諸妙法 清淨心無悋 毀禁諸有情  
救護垂慈愍 令彼衆生類 發於淨覺心  
種種劣惡人 救護行忍辱 菩薩及諸佛

同行此四行

佛告迦葉波有四種法能破菩薩意地無明煩惱迦  
葉白言云何四法一者所行戒行具足無犯二者受  
持妙法身心無倦三者隨其意解傳施法燈四者禮  
敬投誠稱揚佛德迦葉如是四法能破菩薩意地無  
明煩惱我今於此重說頌曰

堅持具足戒 意地無缺犯 妙法恒受持  
晝夜心無倦 所解諸佛教 隨意施法燈  
稱讚一切佛 投誠恭敬禮 智者行此四  
能斷無明地 一切諸佛子 依此得菩提

佛告迦葉波有四種法生菩薩無礙智迦葉白言云  
何四法一者所有法施二者受持妙法三者不害他  
人四者亦不輕慢迦葉如是四法生菩薩無礙智我  
今於此重說頌曰

所行妙法施	令彼得受持	不嫉衆生學
尊重於持戒	四法除宿罪	獲成最上覺
依此得菩提	出生無礙智	復別十二行
智者得菩提	成就甘露味	所有諸衆生
而具深法眼	解說讀誦持	佛說於彼人
獲福無有量	所有恒河沙	俱胝佛刹土

滿中盛七寶	供養一切佛	彼福亦無量
若人念此法	四句伽他經	福德勝於彼
復次迦葉波	若持此四句	未名菩薩者
得名爲菩薩	說此四法中	具足十善行
依法平等心	是故名菩薩	

佛說大迦葉問大寶積正法經卷第一

佛說大迦葉問大寶積正法經卷第二

宋西天譯經三藏朝散大夫試鴻臚少卿傳法大師施護奉詔譯

佛告迦葉波若諸菩薩具足三十二法名爲菩薩迦  
葉白言云何三十二法所爲利益一切衆生一切智  
智種子不量貴賤令得智慧爲一切衆生低心離我  
眞實愍念其意不退善友惡友心行平等雖到涅槃  
思念愛語先意問訊愍見重擔於諸衆生恒起悲心  
常求妙法心無疲厭聞法無足常省已過不說他犯  
具諸威儀恒發大心修諸勝業不求果報所生戒德  
滅諸輪廻令諸有情道心增進一切善根皆悉集行

雖行忍辱精進如入無色禪定智慧方便善解總持  
恒以四攝巧便受行持戒犯戒慈心不二常處山林  
樂聞深法世間所有種種厭離愛樂出世無爲果德  
遠離小乘正行大行棄捨惡友親近善友於四無量  
及五神通皆悉通達已淨無知不著邪正如實依師  
發菩提心純一無雜迦葉如是具足三十二法是則  
名爲菩薩我今於此重說頌曰

利益諸衆生 欲行清淨行 令生一切智  
不擇於貴賤 同入如來慧 眞實愍衆生  
心意不退轉 善友及惡友 平等觀於彼

雖到於涅槃	愛語先問訊	憂慙於重擔
及彼諸衆生	不斷於大悲	求法心無苦
聞義常不足	恒省自身非	不譏他人犯
具修衆威儀	而起大修行	不求於果報
所持諸戒德	斷滅於輪廻	令彼諸有情
遠害增道意	忍辱集善根	精進修諸行
如入無色定	智慧諸方便	總持而善解
四攝恒受行	持犯二俱愍	常處於林間
恒樂聞深法	厭離於世間	愛敬無上果
遠離聲聞乘	而修大修行	棄捨於惡朋

親近於善友	五通四無量	智慧悉通達
清淨絕無知	不著於邪正	依師究真實
純一無雜行	佛說觀行法	先發菩提心
若此三十二	善逝當演說	菩薩具足行
得佛甘露味		

佛告迦葉波我為菩薩說譬喻法令彼知見為菩薩  
 德迦葉白言其義云何迦葉譬如地大與一切眾生  
 為其所依令彼長養而彼地大於其眾生無求無愛  
 菩薩亦然從初發心直至道場坐得成菩提於其中  
 間運度一切眾生無愛無求亦復如是今於此而

說頌曰

譬如地大	與諸眾生	依止長養	於彼眾生
無求無愛	菩薩亦爾	從初發心	直至道場
成無上覺	運度有情	無求無愛	無冤無親
平等攝受	令得菩提		

佛告迦葉波譬如水界潤益一切藥草樹木而彼水  
 界於其草木無愛無求迦葉菩薩亦然以清淨慈心  
 徧行一切眾生潤益有情白法種子令得增長無愛  
 無求我今於此而說頌曰

譬如水界	潤益一切	藥草樹木	令得生長
------	------	------	------

無愛無求 菩薩亦爾 以淨慈心 徧及有情

次第普潤 淨種增長 破大力魔 得佛菩提

佛告迦葉譬如火界成熟一切穀麥苗稼火界於彼

無愛無求迦葉菩薩亦爾以大智慧成熟一切衆生

善芽我今於此而說頌曰 益一四葉草樹木而於木

譬如火界 成熟一切 五穀苗稼 而彼火界

於其苗稼 無求無愛 菩薩亦爾 以智慧火

成熟一切 衆生善芽 菩薩於彼 無求無愛

佛告迦葉譬如風界徧滿一切諸佛刹土迦葉菩薩

亦爾以善方便徧衆生界令解佛法我今於此而說

頌曰

譬如風界 隨自勢力 普徧佛刹 諸菩薩衆

亦復如是 以善方便 爲其佛子 說最上法

佛告迦葉譬如魔冤領四軍兵欲界諸天不能降彼

迦葉菩薩亦爾得意清淨一切衆魔不能惑亂我今

於此而說頌曰

譬如魔冤 領四軍兵 欲界諸天 不能降彼

菩薩亦爾 得意清淨 一切衆魔 不可惑亂

佛告迦葉譬如日月漸漸增長乃至圓滿迦葉菩薩

亦爾以無染心求一切法乃至圓滿我今於此而說

頌曰

譬如白月 漸漸增長 直至圓滿 菩薩亦爾  
以無染心 求修諸善 漸漸增進 白法圓滿  
佛告迦葉譬如日出放大光明照彼世間無不朗然  
迦葉菩薩亦爾放智慧光照諸衆生無不開悟我今  
於此而說頌曰

譬如日出 照彼世間 一切物像 無不朗然  
菩薩亦爾 放智慧光 照諸有情 無不開解  
佛告迦葉譬如師子獸王有大威德於彼一切所行  
之處不驚不怖迦葉菩薩亦爾安住多聞戒德如是

一切所往之處不驚不怖我今於此而說頌曰

師子獸王 威德勇猛 所行之處 心無驚怖

菩薩亦爾 安住多聞 持戒智慧 於彼世間

所行之處 離諸怖畏

佛告迦葉譬如龍象有大勢力擔負一切重物而無  
疲苦迦葉菩薩亦爾擔負一切衆生五蘊諸苦不得  
其苦我今於此而說頌曰

譬如龍象 有大勢力 身負重物 而不疲苦

菩薩亦爾 擔負衆生 五蘊諸苦 亦無疲苦

佛告迦葉譬如蓮華生長水中淤泥濁水而不能染

迦葉菩薩亦爾雖生世間世間雜染終不能著我今於此而說頌曰

譬如蓮華 出生水中 濁水淤泥 而不可染

菩薩亦爾 雖生世間 種種雜染 而不能著

佛告迦葉譬如有人方便斷樹不斷樹根而於後時

復生大地迦葉菩薩亦爾以方便力斷彼煩惱不斷

彼種以大悲善根復生三界我今於此而說頌曰

譬如有人 以其方便 而斷樹身 不斷樹根

如是後時 復生大地 菩薩亦爾 以善方便

斷彼煩惱 不斷彼種 以大悲故 復生三界

佛告迦葉譬如諸方所流河水皆歸大海同一鹹味

迦葉菩薩亦爾所有一切善根種種利益廻向菩提

與彼涅槃同歸一味我今於此而說頌曰

譬如一切 江河諸水 皆入大海 同一鹹味

菩薩亦爾 所有一切 善根利益 廻向菩提

及彼真際 同歸一味

佛告迦葉譬如四大天王及忉利天眾要彼安住妙

高之山迦葉菩薩亦爾為一切智所修善法要彼安

住菩提大心我今於此而說頌曰

譬如四王 及帝釋眾 要彼安住 妙高之山

菩薩亦爾 爲一切智 所修善法 安住菩提

佛告迦葉譬如國王欲行王事須假宰臣迦葉菩薩

亦爾欲爲佛事須假智慧方便我今於彼而說頌曰

譬如國王 欲行王事 須仗宰臣 而得成就

菩薩亦爾 欲爲佛事 假方便慧 決定成就

佛告迦葉譬如晴天無其雲霧於彼世間終無降雨

之相迦葉菩薩亦爾寡聞少智於諸有情終無說法

之相我今於此而說頌曰 譬如虛空 晴無雲霧 於彼世間 終不降雨

菩薩亦爾 寡聞少智 於其有情 無說法相

佛告迦葉譬如虛空起大雲雷必降甘雨成熟苗稼

迦葉菩薩亦爾於其世間起慈悲雲降妙法雨成熟

衆生我今於此而說頌曰 譬如虛空 雲雷忽起 必降甘澤 成熟苗稼

菩薩亦爾 普覆慈雲 降靈法雨 成熟有情

佛告迦葉譬如轉輪聖王有其七寶恒隨王行迦葉

菩薩亦爾有七覺支恒隨菩薩我今於此而說頌曰

譬如世間 轉輪聖王 所有七寶 恒隨王行

菩薩亦爾 有七覺支 所到之處 隨逐菩薩

佛告迦葉譬如摩尼寶珠得多富貴價直迦哩沙波

拏百千富貴迦葉菩薩亦爾得多富貴價直聲聞緣  
覺百千富貴我今於此而說頌曰

譬如摩尼寶 富貴廣得多 迦哩沙波拏

百千不可比 菩薩亦如是 富貴倍弘多

辟支及聲聞 百千亦難比

佛告迦葉譬如初利天眾若住雜林者受用富貴平  
等無二迦葉菩薩亦爾若住清淨心者為一切眾生  
正直方便平等無二我今於此而說頌曰

譬如初利天 住彼雜林者 受用於富貴

平等無有二 菩薩亦如是 住心清淨者

譬如愚迷人 於空生怕怖 悲哭而遠行

恐虛空落地 虛空無所礙 不損於眾生

此人自愚迷 妄生於驚怖 沙門婆羅門

愚見亦如是 聞彼諸法空 心生恐怖畏

若空破壞我 依何生受用

佛告迦葉譬如畫師自畫醜惡夜叉畫已驚怖迷悶  
仆到迦葉彼凡夫眾亦復如是自作色聲香味觸  
法作已迷彼墮落輪迴我今於此而說頌曰

譬如工畫師 畫彼惡夜叉 於彼自驚怖

迷悶仆倒地 凡夫亦復然 自著於聲色

迷彼不覺知 墮落輪廻道

佛告迦葉譬如幻土變作幻化是彼幻化能變幻土  
迦葉相應行比丘亦復如是而自發意如是說一切  
法空彼虛空無實亦能如是說我今於此而說頌曰  
譬如於幻土 能變於幻化 而彼幻化人  
亦能變幻土 相應行比丘 發意亦如是  
說彼一切空 無實空亦說  
佛告迦葉譬如二木相鑽風吹出火火既生已燒彼  
二木迦葉如實正觀亦復如是於正見道生彼慧根  
慧根既生燒彼正觀我今於此而說頌曰

像中法迦葉云何影像中法如正觀色觀彼無常亦  
非無常如是受想行識常與無常無定無不定迦葉  
此說如實觀察影像中法復次迦葉如實觀察影像  
中法所有地界常與無常無定無不定如是水界火  
界風界空界識界亦復如是無定無不定迦葉此說  
如實觀察影像中法復次迦葉所有眼處常無常性  
無定無不定如是耳處鼻處舌處身處意處常無常  
性無定無不定迦葉此說影像中法如實觀察復次  
迦葉此定一法此不定二法若彼二法於是色中不  
見不住無微無識亦無相故迦葉此說影像中法如

實觀察復次迦葉我見一法無我二法若彼二法於是色中不見不住無微無識亦無相故迦葉此說影像中法如實觀察復次迦葉此真實心一法此不實心二法迦葉二法所在無心無覺無意無識迦葉此說影像中法如實觀察復次迦葉善不善世間出世間有罪無罪有漏無漏有爲無爲有煩惱無煩惱如是一切法迦葉此生法一此滅法二若二法中無集無散不可求得迦葉此說影像中法如實觀察復次迦葉此有法一此無法二若此二法於是色中不見不住無微無識亦無相故迦葉此說影像中法如實

觀察復次迦葉此輪迴一法此涅槃二法若彼二法於是色中不見不住無微無識迦葉此說影像中法如實觀察復次迦葉我說汝等無明緣生行行緣生識識緣生名色名色緣生六入六入緣生觸觸緣生受受緣生愛愛緣生取取緣生有有緣生老死老死緣生憂悲苦惱迦葉如是集得此一大苦蘊所有無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死滅老死滅憂悲苦惱得滅如是得此一大苦蘊滅迦葉

若以智觀明無明等無此二相迦葉此影像中法如  
實觀察復次迦葉如是行行滅如是識識滅如是名  
色名色滅如是六入六入滅如是觸觸滅如是受受  
滅如是愛愛滅如是取取滅如是有有滅如是生生  
滅如是老死老死滅如是智觀生性滅性無二相故  
迦葉離此二相此說影像中法如實觀察復次迦葉  
應當正觀影像中法彼法非空亦非不空如是空法  
無法相非無法相法相卽空空相卽無相無相卽  
無願所以者何無所願作故無相卽空相如是行者  
若法未生不生法未生故如彼法生彼亦不生生已

謝故如是無生生離取故法無自性無性卽空如是  
正觀此說影像中法復次迦葉補特伽羅非破壞空  
卽體是空本非有故非前際空非後際空現在卽空  
迦葉白言彼補特伽羅我今覺悟知彼是空破壞我  
故一切皆空此法如是佛言迦葉汝言非也迦葉寧  
可見彼補特伽羅如須彌山量勿得離我而見彼空  
何以故破我斷空執一切空我則說爲大病而不可  
救佛告迦葉譬如人病其病深重而下良藥令彼服  
行藥雖入腹病終不差迦葉此人得免疾不迦葉白  
言不也世尊佛言於意云何世尊此人病重故不可

療也佛言迦葉彼著空者亦復如是於一切處深著  
空見我卽不醫我今於此而說頌曰

譬如重病者 令彼服良藥 雖服病不退  
彼人不可療 著空亦如是 於彼一切處  
深著於空見 我說不可醫

佛告迦葉譬如愚人觀彼虛空而生怕怖搥胸悲哭  
所以者何恐虛空落地損害於身佛言迦葉彼虛空  
能落地不迦葉云不也佛言迦葉若彼愚迷沙門婆  
羅門亦復如是彼聞空法心生驚怖所以者何若空  
我大心依何行用我今於此而說頌曰

正直爲羣生 方便亦無二

佛告迦葉譬如有人妙解禁呪善知毒藥一切毒藥  
不能爲害迦葉菩薩亦爾具大智慧善行方便一切  
煩惱不能爲害我今於此而說頌曰

譬如世間人 善知藥禁呪 一切毒藥等  
不能爲損害 菩薩亦如是 若具方便慧  
一切煩惱毒 不能爲損害

佛告迦葉譬如世間糞壤之地能生肥盛甘蔗迦葉  
菩薩亦爾若處煩惱糞地能生一切智種我今於此  
而說頌曰

譬如糞壤地 出生於甘蔗 倍常而肥盛

菩薩處煩惱 出生一切智 其義亦如是

佛告迦葉譬如有人不學武藝若執器仗寧解施設  
迦葉菩薩亦爾先未聞法寡識機藥若執智見何辯  
邪正佛告迦葉譬如窠師欲燒瓦器須用大火迦葉  
菩薩亦爾欲為愚迷眾生開發智慧須用佛法智火  
迦葉是故此大寶積正法令菩薩修學受持得解法  
行迦葉白言菩薩云何受持見正法行迦葉如自觀  
身無我無人無眾生無壽命無名無相無觀行故迦  
葉如此說名正觀影像中法復次迦葉如實正觀影

譬如鑽二木 風吹生彼火 火生刹那間

而復燒二木 正觀亦如是 能生於慧根

生彼一刹那 還復燒正觀

佛說大迦葉問大寶積正法經卷第二

音釋

輒而充切 憊莫結切 技奇寄切 藝方術也 譏居

切柔也 療力矯切 仆鼻墨切 鑽作官切 依

也切 療治也 仆二切 鑽穿也

佛說大迦葉問大寶積正法經卷第三

宋西天譯經三藏朝散大夫試鴻臚少卿傳法大師施護奉詔譯

爾時世尊復以譬喻更明斯義佛告迦葉譬如燈光  
能破一切黑暗而彼黑暗從何而去非東方去非南  
方去非西方去非北方去去亦非去來亦非來迦葉  
復次燈光亦非我能破得黑暗又若非黑暗何顯燈  
光迦葉燈光黑暗本無自性此二皆空無得無捨迦  
葉如是智慧亦復如是有智若生無智即捨而彼無  
智歸於何去非東方去非南方去非西方去非北方  
去去既非去來亦非來迦葉復次有智若生無智即

捨非彼有智我能破壞無智又若無智本無有智何  
顯迦葉有智無智俱無自性此二皆空無得無捨我  
今於此而說頌曰

譬如於燈光 能破於黑暗 彼暗滅謝時  
諸方無所去 若復此燈光 非暗不能顯  
二俱無自性 無性二俱空 智慧亦如是  
有智若生時 無智而自捨 此二若空華  
俱無有自性 取捨不可得

佛告迦葉譬如空舍無其戶牖經百千年無其人物  
其室冥暗忽有天人於彼舍中燃其燈明迦葉於意

云何如是黑暗我經百千年住此我今不去有此事  
不迦葉答云不也世尊彼黑暗無方燈光若生決定  
須去佛言迦葉彼業煩惱亦復如是經百千劫住彼  
識中或彼行人於一晝夜正觀相應生彼慧燈迦葉  
如是聖者慧根若生此業煩惱定無所有我今於此  
而說頌曰

如舍百千年 無人無戶牖 忽有天及人  
於彼燒燈火 如是久住暗 剎那而滅謝  
是彼舍黑暗 不言我久住 於此而不去  
業識煩惱集 其義亦如是 雖住百千劫

本性不真實 行人晝夜中 正入如實觀

慧燈晃耀生 彼等煩惱集 剎那不可住

佛告迦葉譬如虛空不住種子迦葉如是若彼行者

堅著斷見過去已滅未來非有何住佛法種子我今

於此而說頌曰

譬如太虛空 無涯無有量 若人於空中

何處植種子 斷見亦如是 過去不可有

未來亦不生 現無佛法種

佛告迦葉譬如糞滿大地可種一切種子迦葉如是

業煩惱糞滿於世間可種一切佛法種子我今於此

而說頌曰

譬如大地糞 隨處可種植 衆生煩惱糞

周徧於世間 佛子若親近 可下佛法種

佛告迦葉譬如鹹鹵陸地不可種於蓮華迦葉如是

無行性者本自非有未來不生何得菩提之種我今

於此而說頌曰

譬如鹹陸地 不可出蓮華 於彼泥水中

出生甚氤醲 無性亦如是 過未本來無

終不生佛種

佛告迦葉譬如糞壤之地可生蓮華迦葉如是煩惱

邪行衆生亦可生其佛法種智我今於此而說頌曰

譬如泥糞地 而可生蓮華 邪行業衆生

亦生佛法種

佛告迦葉譬如四大海水瀰滿無邊迦葉如是見彼

菩薩所作善根能徧法界我今於此而說頌曰

譬如四大海 瀰滿廣無邊 菩薩亦如是

善根徧法界

佛告迦葉譬如天人以一毛端百分取一於彼毛頭

滴微細水欲成俱胝四大海迦葉如是見彼聲聞所

作微善而求無上我今於此而說頌曰

譬如人毛端 百分而取一 於彼滴微水

欲成俱胝海 聲聞亦如是 以已微淺智

所作自善根 求成無上覺

佛告迦葉譬如芥子內蟲食彼芥子見芥子內謂若

虛空迦葉如是聲聞所修小智證得生空亦復如是

我今如此而說頌曰

譬如芥子中 而有食芥蟲 於裏無礙處

見彼謂虛空 聲聞所修智 證彼一分空

所見而不大 其義亦如是

佛告迦葉譬如有人見十方世界虛空無邊迦葉如

是菩薩無礙大智所見法界亦無邊際我今於此而  
說頌曰

譬如虛空界 十方無有涯 一切諸世間  
依彼無障礙 菩薩亦如是 所起最上智  
照見法界空 無邊無所得

佛告迦葉譬如刹帝利受灌頂王彼王皇后私於庶  
人後生其子迦葉於意云何彼所生之子得名灌頂  
王子不迦葉白言不也世尊告言迦葉彼得無生法  
界聲聞我是如來灌頂之子如是亦然我今於此而  
說頌曰

刹帝王皇后 而私於庶人 彼後生其男  
不名灌頂子 聲聞亦如是 離欲證無生  
唯行於自利 非是於如來 灌頂法王子  
佛子行二利

佛告迦葉譬如刹帝利受灌頂王有近侍婢王所愛  
幸彼後生子迦葉於意云何此婢生之子得名王子  
不迦葉答云此是王子迦葉如是初發心菩薩雖道  
力微劣化彼衆生未免輪廻亦得名爲如來之子我  
今於此而說頌曰

譬如輪王婢 爲王之愛幸 而後生其男

亦是刹帝子 菩薩亦如是 初發菩提心

德行而羸劣 方便化衆生 雖未出三界

所作稱佛心 得名真佛子

佛告迦葉譬如輪王生其千子大力勇猛辯才端正

須得輪王相具足者彼童子內若無一子具有輪王

相者彼轉輪王不作親子之想迦葉如是如來會下

有百千俱胝聲聞圍遶若無一菩薩相者如來亦不

作子想我今於此而說頌曰

譬如轉輪王 所生千太子 若無一童子  
具彼輪王相 此乃無王分 王自無子想

佛子亦如是 雖有千俱胝 聲聞衆圍遶

無一菩薩相 善逝觀彼人 不爲佛子想

佛告迦葉譬如轉輪聖王所有皇后懷娠七夜必生

童子具輪王相彼在胎藏迦羅羅大未有根形雖未

成形而有天人發心愛重非愛彼子勇猛大力於意

云何重彼輪王王種不斷迦葉亦復如是初發心菩

薩根雖未熟未免輪迴樂行佛法彼過去佛見生其

愛重於彼正觀八解脫阿羅漢而不愛重何以故爲

彼初心菩薩佛種不斷故我今於此而說頌曰  
譬如轉輪王 皇后懷娠妊 七日未成形

天人  
人生愛護  
非重勇猛力  
而重輪王種  
菩薩亦如是  
初發菩提心  
欲度輪迴故  
過去諸如來  
於彼而恭敬  
此人紹佛事  
於諸聲聞衆  
正觀八解者  
而生於敬愛  
無彼成佛分

佛告迦葉譬如假摩尼瑠璃珠聚如妙高山不及一  
真摩尼瑠璃寶迦葉如是假使一切聲聞辟支佛不  
能及一初發菩提心菩薩我今於此而說頌曰

譬如假瑠璃 及彼摩尼珠 積聚如須彌  
不及真摩尼 瑠璃之一寶 菩薩亦如是

假使於聲聞 及彼緣覺衆 其數如微塵  
不及初發心 求彼菩提者 菩薩之一人  
佛告迦葉譬如迦陵頻伽鳥住彼卵中之時早能與  
彼一切飛禽而皆不同迦葉於意云何當發一切美  
妙音聲故迦葉如是彼初發心菩薩雖住業煩惱無  
明藏中早與一切聲聞辟支佛而不可同迦葉於意  
云何彼有迴向善根說法方便故我今於此而說頌  
曰

譬如頻伽鳥 住彼卵子中 雖未見身形  
而與諸禽異 當發美妙音 令人常愛樂

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

糸

佛告迦葉譬如輪王皇后所生王子具足輪王福相

十

佛子亦如是 初發菩提心 未出煩惱藏

一切辟支佛 及彼聲聞眾 亦復不能比

廻向大安樂 方便利有情 無垢慈悲意

能宣微妙音

佛告迦葉譬如輪王皇后所生王子具足輪王福相

一切國王及諸人民悉皆歸伏迦葉如是初發心菩

薩天上人間一切有情悉皆歸伏我今於此而說頌

曰

譬如轉輪王 皇后所生子 雖為童子身

具足王福相 國王及臣民 一切皆歸向

菩薩亦如是 初發菩提心 佛子相具足

一切諸世間 天人眾種類 清淨心歸向

佛告迦葉譬如大雪山王出生上好藥草能治一切

諸病修合服食無復心疑決定得差迦葉如是若彼

菩薩所有智藥能療一切眾生病煩惱諸病菩薩以平

等心普施一切有情服者無復疑惑病即除愈我今

於此而說頌曰

譬如大雪山 出生上妙藥 療治一切病

若有服之者 獲差勿復疑 佛子亦如是

出生妙智藥 能療一切人 煩惱生老病

經

佛說大迦葉問大寶積經卷第三

八

忠

平等而賜之 所有服食者 無疑決定差

佛告迦葉譬如有人歸依初月如是圓月而不歸依  
迦葉如是我子有其信力歸命菩薩不歸命如來所  
以者何爲彼如來從菩薩生若聲聞辟支佛從如來  
生非如菩薩故我今於此而說頌曰

譬如如此有情 歸命於初月 如是圓滿月

而彼不歸依 我子亦如是 歸依於菩薩

不歸向世尊 爲具大智力 出生如來身

非彼聲聞類 智慧微劣故 依彼如來生

佛告迦葉譬如文字之母具能包含一切義論等事

迦葉如是初發心菩薩具能縮攝一切諸佛化行無  
上智因我今於此而說頌曰

譬如文字母 人間與天上 義論及辯才

皆因此建立 菩薩亦如是 初發菩提心

具足佛地智 及諸方便行

佛告迦葉譬如世人未有捨離明月歸命星像迦葉  
如是無有受我戒者捨離菩薩歸命聲聞我今於此  
而說頌曰

譬如世間人 於月而捨離 而欲歸依星

此事未曾有 如是我弟子 其義亦復然

佛告迦葉譬如假瑠璃珠於彼天人世間終無利用  
若真瑠璃珠摩尼寶於其世間有大利用迦葉如是  
若彼聲聞具足戒學具一切頭陀行三摩地門終不  
能得坐菩提道場成阿耨多羅三藐三菩提我今於  
此而說頌曰

譬如假瑠璃 見彼體清淨 於天人世間  
爲事無利用 若彼真瑠璃 及彼摩尼寶  
體性有其殊 爲事具大用 如是彼聲聞

雖具頭陀行 持戒及多聞 一切三摩地  
不能降四魔 而坐菩提座 得成於善逝  
非如菩薩故

佛告迦葉譬如真瑠璃摩尼寶作事用時價直百千  
迦哩沙波拏迦葉如是若彼菩薩所植衆德作事用  
時多彼聲聞辟支佛百千迦哩沙波拏之數我今於  
此而說頌曰

譬如真瑠璃 及彼摩尼寶 作彼事用時  
價直百千數 迦哩沙波拏 佛子亦如是  
植衆德本行 事用利衆生 多彼聲聞人

及彼辟支佛 迦哩沙波拏 其數亦如是  
爾時世尊復次說言尊者大迦葉所有國土孛星現  
時頭黑偃寐令彼國土災難競起得於苦惱迦葉若  
彼國土如有菩薩是諸災難速得消除無復苦惱是  
故迦葉菩薩之行廣集一切善根爲利衆生故又彼  
菩薩所有智藥流通四方醫彼一切衆生煩惱等病  
真實不虛迦葉自言以何等藥醫何等病迦葉衆生  
所有貪瞋癡病皆自緣生以無緣慈觀彼一切惑業  
相有理無本自無生今亦無相欲界色界及無色界  
寂滅亦然又滅一切顛倒何等顛倒卽四顛倒一者

爲彼有情於彼無常而計常故令想一切皆是無常  
二者於其苦處而計爲樂令想一切皆是其苦三者  
無我計我令想一切法皆無我故四者不淨計淨令  
想一切皆非淨故唯此涅槃具彼四德又復施設四  
念處令彼有情觀身無身所有能破我見觀受無受  
所得破彼我見觀心無心可得亦除我見執故觀法  
無法可得破彼法我執故以四正斷於修斷事修善  
勤修斷惡勤斷以四神足成就通力以五根五力治  
彼不信懈怠失念散亂癡等以七覺支治一切愚癡  
以八聖道治彼一切無知八邪等過迦葉此說名爲

眞實醫法迦葉觀此菩薩於閻浮提內醫病人中最  
爲第一迦葉所有三千大千世界衆生爲護自命見  
彼菩薩如見醫王迦葉白言如是住邪見者以何藥  
療唯願解說令彼了知迦葉彼菩薩救療衆生非用  
世間之藥以出世間一切善根無漏智藥傳流四方  
醫彼一切衆生妄想之病眞實不虛迦葉白言云何  
名爲出世間智迦葉彼智從因緣種生離諸分別無  
我無人無衆生無壽命如是智法於空無著迦葉汝  
等正求心莫驚怖發精進心彼如是求如是住心云  
何住心云何不住心有過去未來現在於何而住迦

葉過去已滅未來未至現在無住迦葉又此心法非  
在內非在外亦非中間迦葉又此心法離衆色相無  
住無著而不可見迦葉過去一切佛不見未來一切  
佛不見現在一切佛不見迦葉白言若過去未來現  
在一切佛不見者云何彼心有種種行相迦葉彼心  
無實從妄想生譬如幻化種種得生爲虛妄見迦葉  
白言虛妄不實其喻云何佛言迦葉心如浮泡生滅  
不住心如風行而不可收心如燈光因緣和合心如  
虛空得虛妄煩惱心如掣電刹那不住心如猿猴攀  
緣境界心如畫師作種種像心念念不住生一切煩

惱心行體一無二心用故心如其王自在緣一切法  
故心如惡友發生一切苦故心如大海漂溺一切善  
根故心如釣魚之人於苦生樂想故心如夢幻妄計  
我故心如青蠅於其不淨生淨想故心如鬼魅作種  
種不善事故心如藥叉貪著境界飲人精氣故心如  
冤家恒求過失故心不靜住或高或下進退不定故  
心如狂賊壞一切功德善財故心如蛾眼恒貪燈焰  
色故心著於聲如貪戰鼓聲故心如豬犬於其不淨  
貪香美故心如賤婢貪食殘味故心能貪觸如蠅著  
羶器故迦葉心不可求求不能得過去非有未來亦

無現在不得若過去未來現在不可得者三世斷故  
若三世斷故彼卽無有若彼無有彼卽不生若彼不  
生是卽無性若彼無性無生無滅若無生滅亦無往  
來若無往來而無主宰若無主宰無假無實是卽聖  
性迦葉若彼聖性無得戒非無戒無淨行無穢行無  
因行無果行亦無心意之法若無心意之法彼無業  
亦無業報若無業報亦無苦樂若無苦樂彼聖者性  
若彼聖性無其上下中間身口意等不可住著何以  
故性徧虛空平等無分別故

佛說大迦葉問大寶積正法經卷第三

佛說大迦葉問大寶積正法經卷第四  
來者無生來而無主宰苦無主宰無知無實量唯望  
空長唯無掛苦無無掛無坐無氣苦無坐無衣無掛  
苦三世無姑無唯無有苦無無有唯唯不坐苦無不  
無更立不替苦無去未來更立不替苦三世無姑

佛說大迦葉問大寶積正法經卷第四

宋西天譯經三藏朝散大夫試鴻臚卿傳法大師施護奉詔譯

佛告迦葉譬如有人善解習馬其馬性惡難以制伏  
此人調習自然良善迦葉如是相應比丘能守禁律  
心識羂馳難以制伏被此比丘調伏制御離瞋恚等  
如如不動我今於此而說頌曰

譬如惡性馬	遇彼調習人	種種被制伏
不久而調善	相應行比丘	善持於禁律
調伏於識心	令彼淨安住	

佛告迦葉譬如有人於其喉咽而患瘰癧病致壞命根



得其苦惱迦葉如是若復有人深著我想於自身命  
後得大苦我今於此而說頌曰

譬如瘦病人 苦惱於身命 於其晝夜中

無暫得安樂 著我之衆生 其義亦如是

見倒壞其身 於後生諸苦

佛告迦葉譬如有人身被纏縛巧設方便而得解免  
迦葉如是若彼有情作善相應制止心猿令得離縛  
我今於此而說頌曰

譬如纏縛人 能設巧方便 解彼身邊縛

令身得自在 相應善有情 禁止於心猿

令彼離纏縛 其義亦如是

佛告迦葉譬如虛空本自廓然彼有二物可以蓋覆  
何等二物是彼雲霧迦葉如是出家之人本自寂靜  
而求世間呪術之法又於衣鉢財利畜積受用此爲  
覆障我今於此而說頌曰

譬如於雲霧 覆障於虛空 比丘亦復然

行彼世間法 習學於呪術 積聚於衣鉢

此二障行人 菩薩心遠離

佛告迦葉此出家人有二種纏縛云何二種迦葉一  
爲利養纏縛二爲名稱纏縛彼出家人宜各遠離我

經 佛說大迦葉經 卷第五 法華經 忠

今於此而說頌曰

若彼出家人 貪著於利養 及愛好名聞

此二種纏縛 亦障聖解脫 出家須遠離

佛告迦葉有二種法滅出家德云何二法一親近在  
家二憎嫌聖者我今於此而說頌曰

親近在家人 憎嫌於聖者 此二非道法

滅彼出家德 出家菩薩人 彼宜速遠離

佛告迦葉有二種法爲出家垢染云何二法一心多  
煩惱二棄捨善友攝受惡友我今於此而說頌曰

若彼出家人 心多於煩惱 棄背善良朋

親近於惡友 佛說於此人 爲彼出家垢

一切菩薩衆 各各宜遠離

佛告迦葉有二種法於出家人如臨崖險云何二種  
一輕慢妙法二信樂破戒我今於此而說頌曰

若彼出家人 輕慢於妙法 信重破戒者

如登於崖險 墜墮在須臾 此二非律儀

一切諸佛子 彼二須遠離

佛告迦葉有二種法爲出家過惡云何二種一見他  
過失二蓋覆自過我今於此而說頌曰

若有出家人 恒見他人過 覆藏於自罪

此二大過失 損惱毒如火 智者須遠離

佛告迦葉有二種法增出家熱惱云何二種一受持袈裟心懷不淨二恃已戒德訶責非行我今於此而

說頌曰

雖復披袈裟 心行不淨行 設身有戒德

而用於惡言 摧伏非行者 此二須遠離

佛告迦葉有二種法醫出家人病云何二法一行大乘者見心決定二爲諸衆生不斷佛法我今於此而說頌曰

若有出家者 行彼大乘行 見心恒決定

不斷於佛法 此二出家人 佛說名無病

佛告迦葉有二種法爲出家人長病云何二種一得阿波諦重罪二不能發露懺悔我今於此而說頌曰

出家比丘衆 犯彼阿波諦 不能懺滅罪

愚迷不重戒 剎那剎那實 此惡長爲病

佛告迦葉此有沙門爲沙門名迦葉白言云何沙門爲沙門名迦葉此有四種沙門云何四種一行色相沙門二密行虛誑沙門三求名聞稱讚沙門四實行沙門迦葉此是四種沙門迦葉白言云何各行色相沙門迦葉此一沙門雖復剃除鬚髮著佛袈裟受持

鉢器色相具足而身不清淨口不清淨意不清淨不自調伏麤惡不善廣貪財利命不清淨得破戒罪法迎葉此名行色相沙門迎葉白言云何名密行虛誑沙門迎葉此一沙門雖知行業亦具威儀喫麤惡飲食詐歡詐喜於行住坐卧恒構虛誑又不親近在家出家四聖種族詐默無言誑賺有心情心無清淨亦無調伏亦不息念虛妄推度住著我人之相若遇空法而生怖畏如登崖險若見比丘善談空者如遇冤家迎葉此說名爲密行虛誑沙門迎葉白言云何名爲求名聞稱讚沙門迎葉此一沙門爲求名聞稱讚詐

行持戒惑亂他人恃術多聞要他稱讚或居山野或處林間詐現少欲無貪假行清淨之行於其心內無其離欲無其寂靜無其息慮無證菩提亦不爲沙門亦不爲婆羅門亦不爲涅槃而求稱讚多聞迎葉此名求名聞稱讚沙門迎葉白言云何名實行沙門迎葉此一沙門不爲身命而行外事亦不言論名聞利養唯行空無相無願若聞一切法已正意思惟涅槃實際恒修梵行不求世報亦不論量三界喜樂之事唯見性空不得事法亦不議論我人衆生壽者及補特伽羅見正法位離諸虛妄於解脫道斷諸煩惱達

一切法自性清淨內外不著無集無散於彼法身如  
來明了通達無其見取亦不言論色身離欲亦不見  
色相亦不見三業造作亦不執凡聖之衆法無所有  
斷諸分別自性凝然不得輪迴不得涅槃無縛無解  
無來無去知一切法寂靜湛然迦葉此說名爲實行  
沙門作相應行非求名聞故我今於此而說頌曰  
所有身口意 三業不清淨 貪愛不調伏  
麤惡行不密 圓頂服三衣 執持於應器  
佛說此沙門 恒行於色相 雖然依彼行  
虛誑而不實 詐現四威儀 示同於聖者

遠離和合處 恒餐麤惡食 無彼清淨行  
密行於虛誑 或彼爲求名 惡他行稱讚  
詐修於戒定 示街行頭陀 內意不調伏  
誑賺於信施 不行離欲善 亦不息攀緣  
見說法相空 怖同登山險 或居山野間  
而無真實意 佛說此沙門 爲求名聞故  
若彼實行者 不爲於身命 妄求名利養  
亦無求快樂 唯修正解脫 救拔諸惡趣  
雖知深法空 不得於寂靜 亦無非寂靜  
不住於涅槃 不得於生死 不著於聖人

不捨於凡夫 本自無所來 今亦無所去

一切法寂然 佛說於此人 是名實行者

佛告迦葉譬如貧人家無財利自發其言告眾人曰  
我家之內有大庫藏財物盈滿迦葉於意云何此貧  
人言是事實不迦葉白言不也世尊佛言迦葉亦復  
如是彼沙門婆羅門自無戒德而復發言我身具大  
德業此言不實是事難信我今於此而說頌曰

譬如貧窮人 言自有庫藏 盈滿七珍財

彼語不相應 沙門婆羅門 虛妄亦如是

不清淨 自言具戒德

佛告迦葉譬如有人入大水內而不專心恣意戲水  
不覺溺死迦葉亦復如是此沙門婆羅門多知樂法  
入大法海不能制心好行貪瞋癡被煩惱貪引生惡  
趣我今於此而說頌曰

譬如戲水人 入於大水內 不自用其心

被水溺其命 沙門婆羅門 貪入大法海

恣行貪瞋癡 沉墜於惡趣

佛告迦葉譬如醫人修合湯藥將往四方欲療眾病  
忽自得疾而不能救迦葉如是若彼比丘修彼多聞  
欲化有情忽爾之間自起煩惱而不能伏我今於此

而說頌曰

譬如良醫人 修合諸湯藥 持往於四方

治彼衆生病 自忽有疾苦 不能自醫療

比丘亦如是 修學於多聞 欲行於化導

自忽煩惱生 不能善制止 虛施於辛苦

佛告迦葉譬如有人身有重病服彼上好名藥不免  
命終迦葉如是若彼有情具煩惱病而欲多聞修行

亦不免墜墮我今於此而說頌曰

譬如重病人 染患而不差 設服於良藥

終不免無常 衆生亦如是 恒染煩惱病

設樂修多聞 不免於墜墮

佛告迦葉譬如摩尼寶珠墮落不淨之中其珠體觸

不堪使用迦葉如是若彼比丘雖具多聞墮落不淨

利養之中諸天人民不生敬愛我今於此而說頌曰

譬如摩尼寶 墮落不淨中 染汙得其觸

使用而不堪 比丘亦如是 雖復具多聞

墜墮於不淨 名聞利養中 諸天及人民

而不生恭敬

佛告迦葉譬如有人忽爾命終以其金冠華鬘莊嚴  
頭面迦葉如是若彼比丘破盡戒律而以袈裟莊嚴



其身有何所益我今於此而說頌曰

譬如命終人 以其好華鬘 及用金寶冠

嚴飾屍首上 彼人無所用 比丘亦如是

而以破戒身 被挂於袈裟 嚴飾作威儀

終無於利益

佛告迦葉譬如有人洗浴清淨以其香油塗潤身上  
及頭髻指甲身著白衣戴瞻蔔華鬘爲上族子迦葉  
如是若彼比丘多聞智慧身被法服儀相具足爲佛  
弟子我今於此而說頌曰

譬如世間人 洗浴身清淨 塗潤好香油

頭以華鬘飾 身著於白衣 而稱上族子

比丘亦如是 多聞具總持 戒德恒清淨

被挂於法服 儀相而具足 此名真佛子

佛告迦葉有四種破戒比丘喻持戒影像迦葉白言  
云何四種破戒迦葉有一比丘具足受持別解脫戒  
善知禁律於微細罪深生怕怖恒依學處說戒清淨  
身口意業具足無犯食離邪命此有其過所以者何  
執自功能成戒取故迦葉此是第一破戒喻持戒影  
像復次迦葉有一比丘善知禁律常持戒行密用三  
業彼有身見執情不捨故迦葉此是第二破戒喻持

戒影像復次迦葉有一比丘恒行慈心悲愍有情具足慈善聞一切法無生心生驚怕迦葉此是第三破戒喻持戒影像復次迦葉有一比丘行彼十二頭陀大行具足無缺而有我心住著我人之相迦葉此是第四破戒喻持戒影像迦葉此四種破戒喻持戒影像復次迦葉若說此戒無人無我無衆生無壽命無行亦無不行無作亦無不作非犯非非犯無名無色非無名色無相非無相無息念非無息念無取無捨非無取捨非受非不受無識無心非無識心無世間亦無出世間無所住亦非無住無自持戒無他持戒

於此戒中離諸毀謗無迷無執迦葉此說聖者無漏正戒遠離三界一切住處爾時世尊而說頌曰

所持離垢戒	非住我人相	無犯亦無持
無縛亦無解	微妙甚深善	遠離於疑惑
迦葉此戒相	如來真實說	所持無垢戒
而於彼世間	非爲自身命	普濟諸羣生
同入眞如際	迦葉此戒相	如來眞實說
所持離垢戒	於彼我人中	無染亦無淨
無暗亦無明	無得亦無失	不住於此岸
不到於彼岸	亦非於中流	縛脫而平等

無住如虛空 非相非非相 迦葉此戒相  
 如來真實說 所持無垢戒 不著於名色  
 不住於相引 恒以淨妙心 離我有無相  
 於彼別解脫 遠離持犯等 無戒無不戒  
 無定亦無散 依此而行道 智觀無二取  
 此戒淨微妙 安住三摩地 三摩地生觀  
 智慧自清淨 是名具足戒

佛說大迦葉問大寶積正法經卷第四

佛說大迦葉問大寶積正法經卷第五

宋西天譯經三藏朝散大夫試鴻臚少卿傳法大師施護奉詔譯

爾時世尊說此伽他法時八百苾芻漏盡意解心得  
 解脫三十億人遠塵離垢得法眼淨五百苾芻得三  
 摩地聞此甚深微妙戒法難解難入不信不學從座  
 而起速離佛會是時尊者大迦葉白世尊言此五百  
 苾芻雖得三摩地云何聞此甚深之法難解難入不  
 信不學卽從座起速便而退佛言迦葉彼等五百苾  
 芻我見未除於此無漏清淨戒法聞已難解難入心  
 生驚怖所以不信不行迦葉此伽他戒法甚深微妙

三佛菩提皆從此出彼等非友於此解脫妙善而不能入次復告言迦葉彼五百苾芻於如來教中是外道聲聞如是迦葉彼於如來本意執求一事法故若聞一法決定信受依教修學如是伽他之法言教玄妙是故驚怖又復告言迦葉彼比丘意於如來應供正徧知覺爲求一法發心修行於命終後求生忉利天宮爲如是事於佛教中而求出家迦葉此五百苾芻身見未捨聞甚深法而生驚怖不信不學此等命終必墮惡趣是時世尊告尊者須菩提言汝往五百苾芻所以善方便而爲教導須菩提言世尊如是說

法誨喻聞已不信不行我自小智言論寡識云何化彼是時五百苾芻已在中路爾時世尊卽以神力化二苾芻於中路中逆往五百苾芻而卽問言尊者欲往何處苾芻答言我等今者欲詣林間彼處寂靜自得定樂而當住處化苾芻問言欲往林野於意云何彼等苾芻而卽答言世尊說法我昔未聞今旣聞已難解難入心生驚怖不可信學是以樂歸林野安處禪定而取安樂化苾芻言尊者世尊說法而爲難解心生驚怖不信不學不行而歸林野以定爲涅槃是彼所執汝等不知尊者沙門之法非合論詰今問尊

經  
佛說大涅槃經  
卷第五  
法華經  
二  
忠

者云何名涅槃法若於自身得涅槃者則得補特伽  
羅我人衆生壽者何得涅槃夫涅槃法非相非非相  
彼苾芻言涅槃既爾云何證得化苾芻言除斷貪瞋  
癡法彼苾芻言貪瞋癡法云何除斷化苾芻言貪瞋  
癡法非在內非在外非在中間本自無生今亦非滅  
化苾芻言尊者不得執亦不得疑若尊者不執不疑  
卽非護非不護非樂非不樂彼說爲涅槃尊者此清  
淨戒相不生不滅從三摩地生從智慧生從解脫生  
從解脫知見生離有離無非相非無相尊者如是戒  
相卽真涅槃如是涅槃無解脫可得無煩惱可捨尊

者汝以情想求圓寂者此得妄想非涅槃也若想中  
生想非是涅槃被想縛纏如是若滅受想得真三摩  
鉢底尊者行者若是更無有上是時化者說此正法  
之時彼五百苾芻聞此法已漏盡意解心得解脫如  
是五百苾芻復詣佛所到已頭面禮足遶佛三匝於  
一面坐爾時長老須菩提卽從座起問彼苾芻尊者  
汝於何去今從何來彼言本非所去今亦不來長老  
須菩提卽以問佛世尊此所說法其義云何佛言無  
生無滅須菩提言汝等尊者云何聞法彼苾芻言無  
縛無脫須菩提言誰化汝等彼苾芻言無身無心須

善提言汝等云何修行彼苾芻言無無明滅亦無無明生須善提言云何汝爲聲聞彼苾芻言不得聲聞亦不成佛須善提言云何汝之梵行彼苾芻言不住三界須善提言汝於何時而入涅槃彼苾芻言如來入涅槃時我卽涅槃須善提言汝等所作已辦彼苾芻言了知我人須善提言汝煩惱已盡彼苾芻言一切法亦盡須善提言汝等善破魔王彼苾芻言蘊身尚不得何有魔王破須善提言汝知師耶彼苾芻言非身非口非心須善提言汝得清淨勝地彼苾芻言無取無捨須善提言汝出輪迴今到彼岸彼苾芻言

不到彼岸亦不得輪迴須善提言汝信勝地彼苾芻言一切執解脫須善提言汝何所去彼苾芻言如來去處去化苾芻言尊者須善提汝令彼去說是法時衆中有八百苾芻發聲聞意心得解脫三十二億衆生遠塵離垢得法眼淨爾時會中有菩薩摩訶薩名曰普光卽從座起合掌向佛而白佛言世尊此大寶積正法令諸菩薩應云何學應云何住佛告善男子所說正法眞實戒行汝等受持應如是住於此正法得大善利善男子譬如有人乘彼土船欲過深廣大河善男子於意云何彼人乘此土船作何方便速得

到於彼岸普光言世尊須是用大氣力勇猛精進方  
達彼岸佛言普光有何所以要施勤力世尊彼河中  
流深而復廣令人憂怕若不勤力必見沉沒佛告普  
光菩薩如是若諸菩薩修學正法欲度生死四流大  
河須發勇猛精進之力通達佛法若不精進修學決  
定退墮又復思惟此身無強無常速朽之法四流浩  
渺云何得度彼諸衆生恒處此岸汝等今者受持妙  
法大船運度一切衆生過輪廻河至菩提岸普光菩  
薩復白佛言世尊菩薩云何受持妙法大船善男子  
所有布施持戒忍辱慈心所集無邊福德起平等心

莊嚴一切衆生於七菩提分善而不妄失精進受持  
心生決定以巧方便深遠實相以大悲心拔衆生苦  
以四攝法護諸有情以四無量饒益衆生以四念處  
恒自思惟以四正斷勤斷勤修以四神足奮迅神通  
以其五根令生衆善以其五力堅固不退以八聖道  
遠離魔怨不住邪道於奢摩他毗鉢舍那無相無著  
菩薩令此廣大法行名聞十方使諸衆生來入微妙  
正法大船過彼生死四流大河得至涅槃安樂彼岸  
得無所畏永離諸見善男子汝等當知如是菩薩以  
妙法大船經無量百千俱胝那由他劫運載一切衆

生過彼四流大河不得疲苦汝如是受持應如是住  
佛告普光菩薩汝今速運真實方便起大悲心令一  
切衆生心意清淨勇猛精進種諸善根令生不退恒  
樂出家聞法無倦植衆德本求最上道圓滿智慧身  
心寂靜安處林野遠離惡友於第一義明了通達行  
正方便於真俗諦理智無二平等一空息諸妄念善  
男子菩薩爲諸有情應如是受持應如是住爾時尊  
者大迦葉聞是法已而白佛言世尊如是大寶積正  
法爲求大乘者說昔未曾有世尊若善男子善女人  
於此大寶積正法受持解說一句一偈所得福德其

義云何佛告迦葉應如是知若有善男子善女人於  
此大寶積正法受持一句一偈所得福德善男子譬  
如有人以恒河沙數世界滿中七寶供養恒河沙等  
如來每一一如來而各以一恒河沙數世界七寶布  
施又每一一如來各造一恒河沙佛等精舍又一一  
如來各有無量聲聞之衆以一切樂具經一恒河沙  
劫而以供養又彼諸如來及聲聞弟子入涅槃後復  
以七寶各起塔廟善男子如是福德無量無邊不如  
有人於此寶積正法受持解說一句一偈功德勝彼  
若復有人爲其父母解說此經彼人命終不墮惡趣

其母後身轉成男子佛言所在之處若復有人於此  
大寶積經典書寫受持讀誦解說而於此處一切世  
間天人阿修羅恭敬供養如佛塔廟若有法師聞此  
寶積正法經典發尊重心受持讀誦書寫供養若有  
善男子善女人於彼法師如佛供養尊重恭敬頂禮  
讚歎彼人現世佛與授記當得阿耨多羅三藐三菩  
提臨命終時得見如來又彼法師復得十種身業清  
淨何等爲十一者臨命終時不受衆苦二者眼識明  
朗不靚惡相三者手臂安定不摸虛空四者脚足安  
隱而不蹙踰五者大小便利而不漏失六者身體諸

根而不臭穢七者腹腸宛然而不膨脹八者舌相舒  
展而不彎縮九者眼目儼然而不醜惡十者身雖入  
滅形色光生如是得此十種身業清淨復有十種口  
業清淨何等爲十一者言音美好二者所言慈善三  
者言說殊妙四者言發愛語五者其言柔輒六者所  
言誠諦七者先言問訊八者言堪聽受九者天人愛  
樂十者如佛說言如是十種口業清淨復有十種意  
業清淨何等爲十一者意無瞋恚二者不生嫉妬三  
者不自恃怙四者無諸冤惱五者離其過失六者無  
顛倒想七者無下劣想八者無犯戒想九者正意繫

心思惟佛土十者遠離我人得三摩地成就諸佛教  
法如是得十種意業清淨我今於此而說頌曰

臨終不受苦 非見諸惡相 手不摸虛空

脚足無蹙踰 便利絕漏失 身根不臭穢

腹藏無胙脹 舌紅不彎縮 眼目相儼然

命終顏不改 如是身十種 福善清淨相

言音得美妙 出語而慈善 所說自殊常

發語人愛樂 復有柔輭聲 所言而誠諦

方便能問訊 堪令人聽受 天龍衆亦欽

清響如佛語 如是口十種 口業得清淨

心意離瞋恚 嫉妬而不生 於自無恃怙

冤惱亦自除 得離衆過失 顛倒想不生

不作於下劣 禁戒勿令虧 正意而繫念

遠離於我人 復得三摩地 通達諸佛法

如人意十種 心業清淨相

佛告大迦葉若善男子善女人汝等應以香華妓樂  
繒蓋幢幡飲食衣服一切樂具供養此大寶積正法  
志心歸命受持讀誦所以者何迦葉如是一切諸佛  
如來應正等覺皆從此出應以最上供養而供養之  
佛說此經已尊者大迦葉一心頂戴菩薩摩訶薩及

5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4

糸

佛說大迦葉問大寶積正法經卷第五

八

諸比丘天龍藥叉乾闥婆阿修羅等一切大眾皆大歡喜信受奉行

佛說大迦葉問大寶積正法經卷第五

音釋

鹹

鹹胡鹽切鹵地也

鹹

鹹不生物之切

鹹

鹹切

ル  
五十